

TORHA

 Ndza khensa, Makwerhu Vayle. [Xivati lexi ngariki na nchumu eka thepi—Muhleri.]

I madyambu lamanene, vanghana. I nkateko kuva lahawani vusiku lebyi. Leri i ra vumbirhi kuva lahawani eka Grantway Assembly leyi, na makwerhu wa mina wo rhandzeka, Mack, na xitafu hinkwaxo xa kahle lexi xi nga lahawani, ni ku hlanganyela na Vakreste lava va humaka eka tikereke to hambanana, Makwerhu Lee Vayle. Nakona ntsena ndza ha ku hlangana na makwerhu lahawani, laha, a nga—nga munghana wa mampela wa Makwerhu F.F. Bosworth, nakona a nga switivi leswaku Makwerhu Bosworth u fambile kuya hlangana na Hosi. Ndzi teri, “Ndzi titwa tani hiloko ndzi hlangane na Elixa loyi a nga chela mati emavokweni ya Eliya,” loko va tava va anamile swin’we nakona a nga switivi leswaku Makwerhu Bosworth u fambile kuya hlangana na Hosi, a ri na makume nhungu—mune wa malembe hi vukhale.

² Sweswi ndzi lava ku xeweta vanhu lava va nga khweketiwa eka tiqingho vusiku lebyi, ku rhendzeleka hi tiko, kusuka a California kuya eNew York, na Texas nale—nale ka swiphemu swo hambanana swa tiko, kusuka a Maine kuya eCalifornia. Swingaleswi, hi na ma—ma maendlelo ya ku khweketa loku ka tiqingho, laha ku nga minkateko leyikulu. Kutani sweswi ha switwisisa, hi munghana wa hina wa kahle, Makwerhu Pearry Green, laha va nga na—na xigajelo xintsongo lexi va nga xi vekelaka eka thelevhixini nyana ya n’wina, ku ngari leswaku swi tava eka riqingho ntsena swi ta tlhela swi haxiwa swi kombisiwa eka thelevhixini ya n’wina, nakona. Nakona vale ku swivoneni sweswi.

³ Kutani, Sesi Mack, ndzi tsakile ku ku vona wa ha languteka u ri kahle, u tshamile lahawani eka ogene, vusiku lebyi. Na vanghana va mina votala lava ndzi nga va vona ehansi eSierra Vista, na Makwerhu Borders... kumbe Makwerhu Roberson, kumbexani, kusuka a Indiana; i votala. Ndzi lava ku vula leswaku eka vanhu lava va nga etabernakeleni, vusiku lebyi, swi languteka tani hiloko hafu ya vona yi ri kona kwalahawani, kutani kusuka etabernakeleni eJeffersonville.

⁴ Na munghana wa mina loyi a nga lahaya, Makwerhu Kuhn, loyi a nga ngenisa xin’wana, ku ya hi xikombelo xexo, xa movabyi. Ndzi le ku xikhongeleleni, Makwerhu Kuhn. Ntsena vana na ripfumelo. U nga vileli. Swi tava kahle.

⁵ Nale hansi eTexas, Makwerhu Blair, loko hi leswaku u le ku yingiseleni vusiku lebyi, makwerhu wa mina, ntsena

tsundzuka leswi; leswaku Xikwembu Lexi xi nga ku tisa ro sungula, xi ta tlhela xi ku tisa ra vumbirhi. Nakona hi pfumela leswaku Xikwembu xi ta ku nyika swona. Nakona u nga teki vunwa bya Javulosi bya swin'wana na swin'wana. Ntsena tsundzuka leswaku Xikwembu i Xikwembu, nakona kuna... nakona Xi tshama xa hari xona xa tolo, namuntlha, ni hilaha ku nga heriki. Nakona ha Xi rhandza hi tlhela hi Xi pfumela, nakona hi le ku ku khongeleleni.

⁶ Eka vanghana va hina hinkwavo lava va nga a California; eka Makwerhu Mercier na vona lava va nga ehenhla lahawani eArizona, na tindhawu to tala, Phoenix; na Makwerhu Williams, na n'wina hinkwerhu lava mi nga khweketiwa kwalahaya vusiku lebyi, hinkwako, hakunene ha khensa swinene; na le hansi eGeorgia. Nakona hakunene ha khensa swinene eka un'wana na un'wana wa n'wina. Hosi a yi mi katekisi.

⁷ Ndzi na matitwele yo amukela hakunene lahawani vusiku lebyi, eka kereke leyi ya kahle swinene, yi nga Assembly of God lahawani a Grantway, na kuva na Makwerhu Mack, munghana wa mina wa kahle. Xikwembu xi katekisile Makwerhu Mack. Ndzi tsundzuka nkarhi wun'wana eCanada, laha a nga... A ndzi khandziyile ndzi ri karhi ndzi vuya hi xindledyana, hi hanci, endzhaku ekhwatini, kutani Moya lowo Kwetsima wu vulavurile na mina leswaku ndzi chika ndzi ya khongelela Makwerhu Mack. Hi nkarhi walowo a ri eka xilaveko xa xihatla, kutani Hosi yi n'wi hanyisile. Kutani ndzi khensa swinene ha swona, niku hlanganyela na yena lahawani vusiku lebyi, ku ta gandzela Hosi eka Ntiyiso lowu wa kahle.

⁸ Munhu loyi a nga tshama eka platifomo, endzhaku ka mina, u teri, "U nga vhumphi wa ndzi tiva." A ku, "Siku rin'wana u ndzi rhwalerile, tani hi muyimisi wa tilifiti," nakona, a ndzi tivi, kun'wana eBoston kumbe kun'wana, "Detroit, ari karhi a kombela lifiti."

⁹ Kutani ndzi ku, "Kunene, hi ntolovelolo ndza ringeta ku humesa voko, loko ndzi swikota, eka lava va nga na xilaveko."

¹⁰ Kutani swingaleswi, vusiku lebyi, hinkwerhu hi na swilaveko. Kutani ha khongela leswaku Xikwembu xi ta hi nyika voko vusiku lebyi, ra ku pfuna, ra minkateko, na tintswalo ta Xona na ntwela vusiwana.

¹¹ Sweswi, ndzi wa maendlelo yo kongomisa ku vulavula nkarhi wo leha, kambe a ndzi nge ringeti ku swi endla sweswo vusiku lebyi. Hikuva, vanhu lava va nga eOhio ntsena va vitanile, Manana Dauch na ntlawa lowu wu nga kwalahaya, Makwerhu McKinney na Makwerhu Brown, na hinkwavo lava va nga khweketiwa a Ohio. Ha mi xeweta, na n'wina. I vusiku a New York sweswi, kufanele kuri ka kwalomu ka khume n'we kumbe khume mbirhi, hi nkarhi lowu, a New York. Kutani

tikereke ti ta ti ta rindzela ku kondza ku fika nkarhi lowu, ntsena hikokwalaho ka xikhongelo. Hi khensa swinene hi vanghana va kahle lava va nga hinkwako.

¹² Sweswi hi nga se pfula Rito, ntsena a hi vulavuleni na Mutsari, xinkadyana, loko ha ha korhamisa tinhloko ta hina.

¹³ Tatana wa hina la rhandzekaka wa le Matilweni, hi...timbilu ta hina ta khapa hi ntsako, eka nkateko wa kuva hi kumeka ha ha hanya vusiku lebyi lahawani, ni ku hlengeletana kun'we na vanhu va Wena. Vanhu...nakona laha hi pfumelaka ku hanya hilaha ku nga heriki. Sweswi hi na Vutomi lebyi nga Heriki, hikuva, "U nyikile N'wana wa Wena loyi a nga yexe, leswaku loyi a pfumelaka eka Yena a nga tshuki a lova, kambe a va na Vutomi lebyi nga heriki." Loko A hari muendzeri lahawani emisaveni, U hi dyondzisile leswaku, "Loyi a yingisaka Rito ra Mina kutani a pfumela eka Yena loyi A ndzi rhumeke, u na Vutomi lebyi nga heriki; nakona a ngaka a nga avanyisiwi, kambe u hundzile eka rifu a ya eVuton'wini, hikuva hi pfumela eka N'wana wa Xikwembu loyi a nga yexe." Hilaha hi Ku khensaka hakona ha Muponisi loyi lonkulu! Kutani ha khongela, vusiku lebyi, leswaku Vukona bya Yena lebyikulu byi ta hi katekisa kun'we lahawani, tani hilaha hi hlayaka Rito ra Yena niku vulavula eka Rona. Pfumelela Moya lowo Kwetsima wu swi teka sweswo wu swi yisa eka mbilu yin'wana na yin'wana etikweni hinkwaro, Hosi, hinkwako laha vanhu va nga hlengeletana kun'we.

¹⁴ Katekisa vaministara lavan'wana va nga ephulphitini. Ha khongela, Tatana, leswaku U ta katekisa Grantway Assembly leyi; mufundhisi wa yona, nsati wa yena, vana va yena; madiyakoni, matrasti, na bodo hinkwayo. Kutani, Tatana, hi ri kun'we hi nga ha tirhela Mfumo wa Xikwembu, loko ka hari na Layiti yo ringanela laha ha ha kotaka ku hlangana, hikuva nkarhi wa ta laha ku nga ta pfumaleka munhu loyi a tirhaka. Kutani, Tatana, loko ha ha ri na nkateko lowu, leswaku hi—leswaku hi nga ha kutsula nkarhi, Hosi. Leswaku hina, sweswo hi nga ha nyikiwa swona. Hanyisa vavabyi ni lava va xanisekaka atikweni hinkwaro. Leswaku Vukona bya Xikwembu byi nga ha twiwa laha ku nga pandzeka na khona ya tiko, vusiku lebyi.

¹⁵ Ha swi lemuka leswaku kuavanyisa kule ku beni. Swihoxo leswikulu swi le ku yi weleni, nakona tiko ra tsekatseka, na ku ninginika ka misava eka tindhawu to hambanana. Matimu lamakulu lawa hi nga matwa eka masiku lawa ya nga hundza, ya kuavanyisa, ku ya hi Bibehe, kutani ha ya vona ya vuyelela nakambe namuntlha. Vuprofeta byi ri, "Tani hilaha a swi ri ha kona emasikwini ya Nowa, swi tava tano eku vuyeni ka N'wana wa munhu. Tani hilaha a swi ri ha kona emasikwini ya Lot, swi tava tano ni le ku vuyeni ka N'wana wa munhu," kutani ha

swivona swi humelela sweswi. “Timbilu ta vanhu ta hluleka; ku sohasoha ka nkarhi; tshikelelo exikarhi ka matiko.” Xikwembu, ha switiva leswaku hi le nkarhini wa makumu.

¹⁶ Hi pfuni, Hosi, ku—ku teka Hungu hi ri yisa hinkwako laha ku nga handzuka na le khoneni, na le ka n’wana un’wana na un’wana loyi U nga n’wi hlawulela eVuton’wini. Hi nyike swona, Hosi. Ha swikombela hi Vito ra Yesu. Amen. Hosi, katekisa sweswi eku hlaiweni ka Rito ra Xona.

¹⁷ Sweswi votala van’wina mi tsakela ku languta aBibeleni, laha muvuri wa rito a hlayaka. Kutani ndzi lava ku hlaya vusiku lebyi, to hlaya, tivhese tinharhu to huma eka Tipisalema, Pisalema 42, ntsena hi ndlela ya kuva hi va na tsalwa. Nakona ndzi na Matsalwa man’wana ndzi nga ya tsala lahawani, nakona ndzi lava ku kongomisa eka wona, loko ndzi nga swikota, tani hiloko hi tava hi famba eka wona timinetse tintsongo leti ti landzelaka, ku ta vulavula hi dyondzo leyi. Pisalema ya Davida. Davida hi yena a nga tsala Tipisalema.

¹⁸ Sweswi loko ma ha pfula, ndzi nga ha vula leswi. Vanhu votala vari, “Kunene, xana Tipisalema ti hlohloteriwile na?” Hakunene, ti hlohloteriwile. Ti . . .

¹⁹ Xin’wana na xin’wana lexi xi nga—xi nga eBibeleni xi hlohloteriwile, hambi i matimu, hambi i tinsimu, hambi ku ngava yini. Swi hlohloteriwile. Yesu u teri, “Xana a mi kalanga mi hlaya hi leswi Davida a nga swivula eka Tipisalema xana?” Kutani ndzi ehleketa leswaku, Tipisalema, hakunene, i tinsimu. Kutani loko tinsimu ti hlohloteriwile hi Xikwembu, laha, ndzi pfumelaka leswaku ti tano, na vupofeta nakambe, ndzi tshembha leswaku ndzi yimile hi siku lero loko risimu leri ri humelela.

Kutava na nhlengeletano emoyeni,
Eka ku nandzika kwaloko, kutaka;
Ndzi ya hlangana na wena, niku ku xeweta
kwalahaya;
Ekaya lero ri nga halahaya ka xibakabaka;
Ku yimbelela kwaloku hi nga tshama hi
kutwa, hi nga tshama hi kutwa hi tindleve
ta hina leti tibolaka,
Ndzi tava la kwetsimaka, ndza swi
hlambanya!
Nakona N’wana Loyi a nga wa Xikwembu hi
Yena loyi a nga tava a rhangerile
Eka nhlengeletano yaleyo moyeni.

Oho, ndzi—ndzi lava kuva kwalahaya hi nkarhi walowo!

²⁰ Sweswi Pisalema 42.

*Hilaha ntswele ya mhunti yi rilelaka mati ya
milambu, moya wa mina wu ku naverisa sweswo,
Wena Xikwembu.*

Moya wa nga wu ni *torha ra Xikwembu, ra Xikwembu lexi xi hanyaka: ndzi ta ya rini, ndzi huwelela emahlweni ka Xikwembu xana?*

Mihloti ya mina i swakudya swa mina nhlekanhi ni vusiku, hi leswi va . . . tshamaka va ku ka mina, Xi kwihi Xikwembu xa wena?

²¹ Ndzi ehleketa leswaku, Davida, loko a ta tsala Pisalema leyi, a nga hava ari ekutikeriweni. Nakona hi ntolovelu swi teka ku tikeriwa ku ta humesa swa kahle emunhwini. Yona, hakunene, kwalaho hilaha Xikwembu . . . xi rhelelaka loko hi titsona, minkarhi yo tala, kuva hi kumeka exiyyin'weni kuva hi kumeka ehandle ka ndlela. Kutani ndza ehleketa, loko Davida atava a kumekile eka tindhawu leti, kutani u sungurile ku vulavula na Hosi, a sungula ku ehleketa hi swilo.

²² Minkarhi yo tala, Xikwembu xi hi kuma hi—hi manyiwile atikhoneni laha hi nga ta fanela ku languta ehenhla. Minkarhi yin'wana hi fanela niku languta endzhaku exibedlele, kumbe emubedweni kun'wana, swingaleswi hi languta ehenhla ku vona laha minkateko leyikulu ya Xikwembu yi humaka kona.

²³ Sweswi rito leri ndzi lavaka ku vulavula hi rona vusiku lebyi, rito rin'we leri ri humaka eBibeleni, nakona leri ri kumekaka eka vhese ya vu2, “torha,” rito i: *Torha*. A ndzi ri karhi ndzi languta eka dikixinari loko ndza ha languta rito leri.

²⁴ A ndzi ri karhi ndzi ehleketa hi—hi nchumayelo nkarhi wun'wana, ndzi chumayerile hi ku *Twa Torha Endzhaku Ka Vutomi*. Nakona ndzi swi lavile ndzi swi kuma eka Tipisalema, nakona, loko Davida ateri, “Swiletelo swa Wena,” ndza pfumela, “swi saseke ngopfu eka mina kutlula vutomi.”

²⁵ Swingaleswi a ndzi ri eku ehleketeni ha rito lero ra “torha,” swingaleswi ndzi langutile eka dikixinari, ku vona leswaku ri vula yini. Kutani hi leswi leswi swivulaka hi Webster, “I ku navela loku ku vavaka,” loku ku vavaka, loko u lava swin'wana hi mbilu hinkwayo kufikela laha swi vavaka eka wena.

²⁶ Sweswi, ku—ku ngari leswaku a hi nchumu lowu wu nga wa ntumbuluko, ku twa torha. Torha i nchumu wa—wa ntumbuluko. Kova swin'wana swo olova leswi Xikwembu xi nga hi nyika swona, leswaku hi nga ha swikota, ku hi nyika ku—ku navela ka swin'wana. Nkarhi wun'wana Xikwembu xa swi endla, nakambe, xi minyikile xi—xi xihondzo xa vulawuri, swin'wana leswi swi tshamaka endzeni ka n'wina, leswi—leswi swi lawulaka ku navela loku ko hambanana. Nakona torha leri, xihondzo lexi xo lawula lexi xi nga tshama endzeni ka mbilu ya munhu, hi swin'wana leswi Xikwembu xi n'wi nyikaka swona ku—ku ntshinya ku navela ka yena loku ku nga na xilaveko lexikulu eka yena.

27 Sweswi ku na tinxaka timbirhi to hambana ta torha. Ku na torha, hi xinyama. Nakona ku na torha, nakambe, ra ximoya. Ndzi tsakela ku hlaya leswi, leswi Davida a nga swivula, nakambe.

Moya wa nga wu na torha ra Xikwembu, ra Xikwembu lexi xi hanyaka: . . .

28 Ku ngari rin'wana ra matimu, kumbe swin'wana leswi swi nga humelela emalembeni lawa ya nga hundza, kumbe—kumbe tsheketo wun'wana wu nga vula hi un'wana; kambe, “i ra Xikwembu lexi xi hanyaka,” Xikwembu lexi xi tshamaka xi ri kona. Nakona u vile na torha ra Xikwembu xexo, ku ngari xin'wana xa matimu.

29 Sweswi hi kuma leswaku, Xikwembu xi mi nyika xihondzo xo lawula, ku mi nyika swilo leswi mi swi lavaka. Sweswi, xihondzo xo lawula lexi xi nga endzeni ka n'wina hi lexi xi mi kongomisaka. Kutani torha leri ri tsutsuma hi xona xi— . . . xihondzo, xihondzo xo lawula, niku mi byela leswi mi nga na xilaveko na swona, hi ku vulavula ka ximoya. Xihondzo lexi xi lawulaka emirini, nale moyeni, nakambe. Kuna xihondzo xo lawula emirini, lexi xi ku byelaka xilaveko lexi xi lavekaka emirini wa n'wina, nakona switisiwa eka wena hi torha. Nakambe, kuna xihondzo xo lawula emoyeni wa wena, lexi xi ku byelaka hi swilo swa ximoya leswi u nga na xilaveko na swona, swin'wana leswi swi nga emoyeni wa wena, nakona, nakona wena ha leswi u nga ha vula leswaku i muxaka muni wa vutomi lowu wu ku lawulaka.

30 Loko u—loko u nga ha kota ku vona leswi u swi navelaka leswaku i yini, kutani u nga ha vula, ha sweswo, leswaku i muxaka wa nchumu wa njhani lowu wu nga endzeni ka wena, loku ku tumbuluxaka ku navela loku u nga na kona. Wa vona, ku na nchumu wun'wana lowu u nga na torha wa wona, nakona wu—nakona wu nga ha ku byela emoyeni wa wena leswaku i ku navela kwihi loku, hi ntumbuluko wa torha leri u nga na rona. Ndza tshembha leswaku mi ta swi twisisa sweswo.

31 Kuna xi—xi xihondzo xo lawula xa moya, kutani xin'wana i xa miri, nakona xihondzo xin'wana na xin'wana i xihuweleri lexi xi tshinyaka swilaveko swa xin'wana. Xin'wana na xin'wana xi huwelela xilaveko xa xihuweleri lexi xi xi huwelelaka, xi rhumela gandlati ra xitshinyo.

32 Xikombiso, ku—ku twa torha ra nyama i ku enetisa ku navela loku ku nga emirini, na moya wu navela swilo leswi swi nga eka munhu wale ndzeni, kunavela ku tano, kutani minkarhi yo tala nyimpi ya lexin'wana i ku lwisana na lexi xin'wana. Ha swi kuma lahaya, xana hi rihi khombo lerikulu namuntlha, loko vanhu votala va ringetaka ku hanya exikarhi ka ku navela loku ku mbirhi. Hikuva, xin'we xa swona xi navela swilo swa misava, lexin'wana xi navela swilo swa Tilo.

³³ Tani hi Paul a ngeteri, a nga swi hlamusela tani hi le ka Varhoma 7:21, “Loko ndzi lava ku endla leswinene, kutani leswo biha swi kusuhi.” Loko u ringeta, mikale mi va na swona sweswo eka ntokoto, Vakreste? Leswaku loko u ringeta ku endla swin’wana leswi swi nga lulama, u ya u ya endla matshalatshala yo endla swin’wana leswi swi nga kahle, u kuma leswaku ku na Javulosi, eka voko rin’wana na rin’wana, ntsena ku ku khunguvanyisa, hinkwaswo leswi u . . . Kutani xexo hi xin’wana lexi xi nga kahle, xexo. Ndzi ta tsakela ku vula leswi, leswaku Vakreste va nga ha switiva. Leswaku loko u—loko u sungula ku endla swin’wana, nkarhi hinkwawo kuna swin’wana leswi swi ku khunguvanyisaka loko u swi endla, swi endli hi ndlela yin’wana. Yaloye kova Javulosi loyi a nga lahaya, a ringetaka ku ku endla leswaku u fambela ekule niku endla swa kahle.

³⁴ Sweswi, minkarhi yo tala, ndzi hlangana na vanhu lava va nga kongomana na ku chava nyana. Loko va kuma leswaku va le ku ringeteni ka ku endla ka swin’wana, nakona—nakona hinkwaswo ntsena swa swi pfala swi suka ha matlhelo ha mambirhi, va ri, “Swi nga ha endleka ku ngari ku rhandza ka Hosi.” Wa vona? Sweswi u nga pfumeleli Javulosi a ku hembela hi ndlela ya leyo.

³⁵ Xo sungula, i ku kuma loko kuri ku rhandza ka Xikwembu, kumbe ku ngari kona. Nakona loko u lava ku switiva loko kuri ku rhandza ka Xikwembu, u languta eBibeleni. Kwalaho kuna nchumu lowu—lowu wu ku tshamisisaka u ku thwi, i Rito ra Xikwembu; kutani loko u swi vona leswaku swi le Ritweni ra Xikwembu, eka wena kuva u swi endla.

³⁶ Ku kotisa, xikombiso, loko u lava nkhuvo wa Moya lowo Kwetsima. Minkarhi yo tala, ndzi tsutsumerile evanhwini, ndzi ku, “Kunene, ndzi ehleketile hi Moya lowo Kwetsima, nakona ntsena a ndzi swikoti ku Wu amukela. A ndzi pfumeli leswaku I wa mina. Minkarhi yo tala loko ndzi nghena ehansi, ndzi kumeka ndzi vabya. Kutani ndzi ya khongela, loko ndzi titsona, ndzi kumeka ndzi vabya. Nakona loko ndzi ringeta ku tshama vusiku hinkwabyo, ndza pfuka, ndza khuzehela. A ndzi—ndzi swikoti ku susa minkondzo ya mina.” Tsundzukani, yaloye i Javulosi. Hikuva, Xikwembu xi endla leswaku mi va na Moya lowo Kwetsima. I wa loyi a Wu lavaka.

³⁷ Minkarhi yo tala u kuma leswaku, loko u tava u khongeleriwi, eka nhlengeletano, eka ku hanyisiwa loku ku Kwetsimaka, kutani hi siku leri ri landzelaka i kuma leswaku, a kuna ku kanakana, leswaku Javulosi u ta endla sweswo swimbirhi swi va leswi nga riki kahle tani hilaha a swi ri hakona hi xa tolo. Wa vona? Tsundzukani, yaloye kova ntsena Sathana a ringetaka ku ku fambisela ekule na minkateko leyi Xikwembu xi nga ku khomela yona. Wa vona? U nga yingiseli eka nakulorhi yaloye. Wa vona? Minkarhi hinkwayo presa u ya emahlweni.

³⁸ Ndzi vile na ntokoto ha sweswo ntsena loko ndza ha kuva endleleni yo ya a Afrika. Loko ndzi tshame ndzi va na nkarhi lowu Javulosi a nga tshama a ndzi tshikelela, a kuri kuya eAfrika eka nkarhi lowu wo hetelela. Yi vile yin'wana ya—ya tinhlengeletano ta kahle swinene na minkarhi leyi ndzi nga tshama ndzi ya endzhandzheni wa malwandle. Ndzi na, ndza pfumela, swotala swi hetisekile hi xinkadyana xexo loko ndza hari kwalahaya, handle ka rendzo ra mina ro hlota, kutlula leri ndzi nga tshama ndzi ri endla nkarhi wun'wana. Minkarhi hinkwayo a ndzi tshamela ro ehleketa leswaku tikereke leti a ti ndzi lavi kwalahaya, kutani ndzi kuma leswaku. . . Ndzi na papila ro huma eka un'wana, rero a kuri ra leswaku, oho, a va nga ndzi lavi kwalahaya, nhlanguano hinkwawo; kutani ni ya kuma leswaku akuri munhu un'we, loyi ari na papila leri a ri ri na nhloko—mhaka ya nhlanguano, leri ri nge, “A hi ku lavi,” a tivula yena na ndyangu wa yena. Wa vona? Swingaleswi loko ndzi tava ndzi ri kwalahaya. . . Wa vona, ntsena “hina,” yaloye a kuri yena na ndyangu wa yena; nakona a ku ngari vanhu, eka hinkwaswo. Swingaleswi, sweswi i nsimu leyikulu leyi yi nga pfulekela hina.

³⁹ Ma swi vona, loko Paul a teri, “Loko ndzi endla leswinene, leswo biha swi kusuhi.”

⁴⁰ Loko u pfumelela muhundzuki lontsongo leswaku a ta ealtareni vusiku lebyi, kun'wana lahawani a tabernakeleni, kumbe—kumbe ku tsemekanya tiko; nakona ntsena tsundzuka, mundzuku, manana u tava a khunguvanyekile kutlula hilaha a nga tshama a va hakona, papa u tava a kwatile, na vana hinkwavo va xikolo. Na hinkwaswo leswi swi nga hoxeka, hikuva i Sathana a ringetaka ku mi hundzuluxa. U le ku ringeteni ka ku mi susa a Ndleleni. “Loko ndzi lava ku endla leswinene, kutani leswo biha minkarhi hinkwayo swi le kusuhi.”

⁴¹ Sweswi a hi languteni eka torha, nakona hi vona loko hakunene torha ri ri nchumu wa ntumbuluko. Ndzi twe vanhu va ndzi byela leswaku, “Oho, a ndzi se tshama ndzi swi endla. Ndzi pfumela leswaku ntsena i swa vanhu van'wana lava va lavaka kuva Vakreste.” Oho, ee. Swi hoxekile sweswo. Kova swin'wana leswi swi tihlanganisaka na xivumbiwa xin'wana na xin'wana xa vumunhu. Swi ntiyiso hakunene. Loko hi ta eka tiko leri eka masiku ya khale, hi kume Makula lahawani. Kutani Makula, hambi leswi avari vahedeni hi nkarhi walowo, a va khongela dyambu kumbe swin'wana. Ntsena loko va ha ri vanhu, ku na swin'wana endzeni ka vona, torha ra ntumbuluko, ri huwelelaka Xikwembu, kun'wana.

⁴² Endzhaku emakhwatini, ntsena sweswi nyana endzhaku lahaya, mune wa madzana na makume nhungu wa timayile kusuka eka nhluvuko lowu wu nga ekusuhi, nyana, xidorobani xa kwalomu ka magidi nharhu ya vanhu, xa Beira, a Mozambique. Hi kuma vaaka—ndhawu lava a va nga tivi hambi. . . a va nge se tshama va vona mulungu. Ndzi

kumile nhwana wa muaka-tiko, a nga ambalanga swiambalo, (van'wana va vona ava ambarile), nakona a tshamile ehenhla ka nsinya. Nakona a ndzi ri karhi ndzi landzelela nghala hi minkondzo, kutani kwalahaya...Ndzi twile xin'wana xo kotisa munhu, ari karhi a huwelelela. Nhwana loyi wa muaka-tiko a tshamile kwalahaya, ari na tihlo ra papa, a khomelele n'wana. Kutani a chava yini...Kwaloko akuri ku ti sirhelela ka yena kuri koxe, a kuri ku khandziya murhi, ku chava nghala, yingwe kumbe swin'wana, kumbe xiharhi xin'wana. Kutani u ndzi vonile, niku switwa leswaku i munhu, kambe loko a tava a langutile a vona leswaku i mulungu! A nga se tshama a n'wi vona evuton'wini bya yena, wa vona, nakona u chavele ro fa. Wa vona?

⁴³ Kambe loko hi kuma vanhu lava, hambi kuri eka xiyimo xa xikhale endzhaku lahaya, a va ha gandzela. Hi nga se vitana nghala leswaku yi ta, a va chela mugayo nyana (walowo hi lowu a va dya) eka tluka nyana, kutani va phokotela mavoko, kutani va vitana moya kutani wun'wana wa xin'wana lexikulu lexi wa nga xitiviki leswaku xi le kwihi (ku kotisa n'winyi wa mukwetsimi kumbe swin'wana, eka Khatholiki), ku ya va sirhelela, leswaku va nga dlayiwi hi nkarhi wa vukarhi bya nghala leyi.

⁴⁴ Wa vona, hi swin'wana swa ntumbuluko. A hi leswi swi ngariki swa ntumbuluko kuva na torha ra Xikwembu. I nchumu wa ntumbuluko. Swo va swin'wana ntsena leswi u nga swi endlaka. Xikwembu xi ku endlise xisweswo. Nakona kuhava munhu wa le henhla, kova ntsena xivumbiwa xa ximunhu xa ntolovelolo. Loko ntsena swi ngari swa nkoka eka vanhu.

⁴⁵ Va ri, “Kunene, ndzi vonile vanhu van'wana va hanya vutomi byebyo bya—bya vahluri, laha va nga ehenhla ka lwangu, va dzunisa Xikwembu. Ndzi titwa i ngaku ndzi ngava hi ndlela yaleyo.” Kunene, xivangelo xa kuva u ri na matitwele yalawa, i torha leri ri nga eka wena. Nakona kova ntsena nchumu wa ntumbuluko. I wa munhu un'wana na un'wana, kuva na torha ra Xikwembu.

⁴⁶ Sweswi hi ta teka rin'wana ra ntumbuluko. Torha i xosungula. A hi tekeni, xikombiso, kuva na torha ra mati. Tani hilaha Davida a nga vula lahawani, torha ra, ra “mati.” Kuva na torha ra mati, miri wu lava mati. Nakona loko u nga ri nwisi torha lero, u ta lova. U ta omeriwa, nakona a wu—a wu nge hanyi. Loko u nga makumi mati ya torha lero, ku ta susa torha lero ra miri wa ntumbuluko u ta lova hi ku hatlisa. A wu nge hanyi nkarhi wo leha. U nga ha hanya nkarhi wo leha loko u ngari na swakudya kutlula loko u ngari na mati. Hikuva, u nga ha titsona ku ringana makume mune wa masiku (Yesu u swi endlile), ndzi fanele, kuri hava—kuri hava swakudya, kambe a wu nge swi endlile sweswo nkarhi wo leha loko u ngari na mati. Ntsena u ta omeriwa u fa. U fanele kuva na mati. Nakona—nakona torha leri ri taka eka wena, hikokwalaho ka

yini, ri kombisa leswaku miri wu lava swin'wana, leswaku wu hanya. Miri wu fanela ku kuma mati, leswaku wu tshama wuri karhi wu hanya. U na makume nhungu na swin'wana wa tiphesente ta mati na petroliyam, hi ndlela yin'wana, nakona u ta fanela ku nghenisa swilaveko leswi, leswaku u hanya. Tani hilaha ndzi nge teri, loko u ri hunisa u ta lova.

⁴⁷ Torha nakambe i alamu. I wachi ya alamu, ku twa ka torha kwaloko. Moya wu rhiya wachi ya alamu, ku rila kuntsongo endzeni ka wena loku ku ku byelaka leswaku rifu ri ku tumbelerile ekusuhi. Leswaku, loko u nga kumi mati hi ku hatlisa, u ta fa. Kutani ku ya ku rhasa na ku rhasa, ku fikile laha u ri vekaka etlhelo kutani u fa, hikuva ri wachi ya alamu.

⁴⁸ Tani hi Davida a ngari hlamusela lahawani eka Tipisalema, "Hilaha ntswele ya mhunti yi rilelaka mati ya nambu, moya wa mina wu Ku naverisa xisweswo, Wena Xikwembu." Hilaha ntswele ya mhunti yi rilelaka mati ya nambu!

⁴⁹ Ndzi tala ku ehleketa leswaku, tani hi ku hlaya loku ka Davida. Davida ari munhu wa nhova, muhloti. Nakona u hlotile ndhakazi, hakunene. Na votala va hina, namuntlha, ha ti hlota. Mhunti i ndhakazi.

⁵⁰ Kutani hi kuma, loko mi tshame mi vona timbyana, timbyana ta nhova loko tikhoma ndhakazi. Nakona minkarhi yo tala ta yi khoma, tani hi mhungubye, tino. Yi nga ha khoma ndhakazi ehenhla ka le tlhelo ra ndleve, *lahawani*, ni ku jombha ku tika ka yona. Yi tsema nkolo wa ndhakazi, nakona ndhakazi a ya hari na xinkadyana kwalaho. Kambe nkarhi wun'wana mbya—mbya—mbya mbyana, tani hi le Afrika lahaya, timbyana ta nhova ti ta vamba ndhakazi hi le khwirini, loko yi hupa nkolo. Yi ta vamba, ra vumbirhi, ekhwirini. Kutani loko ndhakazi yi ri na matimba ku enela ni majatu lawa ya eneleke, yi nga ha yi zuza mbyana yi suka.

⁵¹ Ndhakazi ya hatlisa swinene. Mbyana ya yi tumbelela loko yi ngari eku langutiseni, na loko a famba na moya laha wu yaka kona, kutani—kutani yi—yi nga switivi leswaku—leswaku mbyana yi kusuhi.

⁵² Kutani swingaleswi, loko timbyana ta nhova ti n'wi khoma, loko hi leswaku wa hatlisa hakunene, a nga ha yi cukumetela ekule. Kutani, kambe loko mbyana yi huma yi ya yi khoma hi khwiri, yi va yi tikumela nyama hinkwayo ya ndhakazi. Kumbe, loko yi n'wi khoma enhan'wini minkarhi yin'wana, yi tsema ekusuhi na nsiha wa nhamu, kutani a ku hupa. Kutani ndhakazi, yi n'wi zuza, u ta humesa xiphemu xa nyama leyi yi humaka enkolweni wa ndhakazi, kutani ngati yi sungula ku huma.

⁵³ Kutani mbyana yi ta ta hi ku landzelela ngati ya leyo laha yi nga thona kona, yi sala ndhakazi hi le ndzhaku. Kutani

tani hiloko vutomi bya ndhakazi byi sungula ku tsana, tani hi ngati, laha yi nga xinambyana xa vutomi eka miri, loko sweswo swa ha sungula ku yi tsanisa, ndhakazi yi helela hi matimba. Kutani mbyana kwalaho, kumbe hlolwa, yi le ndzhaku ka ndhakazi.

⁵⁴ Sweswi, loko ndhakazi ya leyo yi nga makumi mati! Sweswi, mati ya na swin'wana eka wona, leswaku, loko ndhakazi yi nwa mati, ma yimisa ku huma ka ngati. Kambe loko a nga ma kumi mati yo n'wi temula, kutani nga—nga ngati yi tshamela ro huma hi ku hatlisa; hikuva u le ku tsutsumeni, ku endlela leswaku mbilu ya yena yi mpopa yi ya emahlweni. Kambe loko a nga kumeka ematini, ndhakazi yi ta hanya.

⁵⁵ Kutani kuna dyondzo leyikulu kwalahaya, wa vona, nakona Davida wa vula lahawani, “Hilaha ntswele ya mhunti yi rilelaka mati ya milambu, moya wa mina wa Ku naverisa xisweswo, Wena Xikwembu.”

⁵⁶ Sweswi ndhakazi ya switiva, handle kaloko a nga kumi mati u fambile. Ntsena a ngaka a nga hanyi. Ndzi ti landzelerile minkarhi yo tala endzhaku kaloko tivavisekile. Loko a kuma xinambyana xa mati, u ta tsemekanyela eka xona a ya nwa, a gonya ehenhla exigangeni; a tlhela a vuyela ehansi, a tsemekanya, a ta nwa mati a tlhela a tlhelela ehenhla. U ngaka u nga n'wi khomi, ntsena loko a ha landzelela xinambyana xexo. Kambe loko o kala a sukela xinambyana, loko a nga ha kumi nambu wun'wana wa mati kun'wana, u ta n'wi kuma. Kutani ndhakazi ya switiva sweswo, swingaleswi u ta tshama a ri matini, laha a nga ta kota ku hatla a ma kuma. U nga ha swianakanya loko ndhakazi na nhompfu ya yona leyi yi nga yimela ehenhla, u kumekile kun'wana laha ku ngariki na mati?

⁵⁷ Kutani a ku, “Hilaha ntswele ya mhunti yi nga na torha ku rilela (i torha) yi rilelaka mati ya milambu, moya wa mina wu Ku naverisa xisweswo, Wena Xikwembu. Handle kaloko ndzi nga ku kumi Wena, Hosi, ndzi ta lova. Ndzi—ndzi—ndzi ngaka ndzi nga fambi handle kaloko ndzi nga Ku kuma!” Kutani loko wanuna kumbe wansati, jaha kumbe nhwana, va kuma muxaka walowo wa torha ra Xikwembu, u taya a ya kuma swin'wana. Wa vona?

⁵⁸ Kambe loko hi ta eka rona, ntsena maendlelo ya hafu, “Kunene, ndzi ta khinsama ehansi ndzi vona leswi Hosi yi nga swi endla.” Wa vona, a wu seva na torha hakunene sweswi. Ri fanele ri va torha exikarhi ka rifu na Vutomi, kutani swin'wana swi teka ndhawu.

⁵⁹ Ndhakazi, nakambe lahawani wa...Hi kuma leswaku nakambe u na xitwi xin'wana, xo nuhwetela, lexi xi endlaka alamu eka yena loko nala wa yena ari ekusuhi. U va a ngheneriwiwe, xivumbiwa lexi lexintsongo, na—na xitwi xo

n'wi sirhelela. Nakona u—u na xialamani endzeni ka yena, xin'wana lexintsongo, laha a yimisaka nhompfu ya yena loko nala ari ekusuhi. U nga ha nghena emoyeni wa nala, nakona wa switwa leswaku u kwalahaya, nakona u va a fambile. Nkarhi wun'wana ku ringana hafu ya mayili ekule, a nga ha ku nuhwetela a tsutsuma, kumbe hlolwa kumbe khombo rin'wana na rin'wana. Wa swikota ku switwa hikuva u endleriwe sweswo. Hi yena ndhakazi, hi ntumbuluko. Nakona xitwi xexo xi nga eka yena xo va ntsena lexi Xikwembu xi nga n'wi nyika, switwi swa yena, ku hanya hi swona.

⁶⁰ Kutani ndzi ehleketa, hi ku ringanisa ndhakazi na munhu loyi a nga na torha ra Xikwembu, nala a nge se nghena lahaya. Kuna swin'wana ha n'wana wa Xikwembu, loyi loko a kala a tswariwa hi Moya wa Xikwembu, u amukela nkhuvelo wa Moya lowo Kwetsima, kuna swin'wana hi munhu loyi a sensaka nala. U nga ha teka munhu loyi a tekaka Matsalwa, niku hlaya Matsalwa niku ringeta ku ngenisa swin'wana eka Matsalwa ya lawa, leswi swi hambanaka na Matsalwa, munhu loyi a nga tatiwa hi Moya lowo Kwetsima a nga ha [Makwerhu Branham a thokoza rintihlo ra yena—Muhleri.] swi sensa sweswo, hiku hatlisa. Kuna swin'wana swi nga huma endleleni. Loko a kumeka endhawini, na—na ku sensa kuntsongo loku nga lahaya, loku ku endlaka ku sirhelela vutomi bya wena. Wena, a wu fanelanga, a wu fanelanga u ya eka swin'wana handle kaloko kuri Rito ra Xikwembu. U fanele ku tshama na Rito lero. Kutani, sweswi, nakona hi sirhelelekile hi xitwi xexo ntsena loko hi ri eka Moya lowo Kwetsima.

⁶¹ U nga haya u ya hlaya, tani hiloko xikombiso, un'wana u teri, kutani ndzi ya hlaya eka Marka 16, kutani yi ku, “Masingita lawa ya ta endliwa hi vona lava va pfumelaka: Hi Vito ra Mina va ta hlongola madimona; va ta vulavula hi tindzimi letintshwa; kumbe va ta khoma tinyoka, kumbe kunwa leswi swi dlayaka, swi ngaka swi nga va dlayi; loko va tlhandleka mavoko ya vona eka lava vavabyaka, va ta hola.”

⁶² Sweswi, kutani, u kuma munhu a yima lahaya a ku, “Sweswi, sweswo a swi ri swa nguva ya vaapostola.” Sweswo, sweswi, hi xihatla, loko u amukerile Moya lowo Kwetsima, u averiwe ndzhaka na xitwi xexo. Wa xi ngenisa. Ku na swin'wana swi nga hoxeka lahaya. Wa vona? Va ringeta ku xi hlamusela, leswaku i xa siku rin'wana, leswaku hakunene a wu kali u swi lava swilo leswi namuntlha. Kambe Yesu u teri, “Masingita lawa ya ta endliwa hi vona lava va pfumelaka.” Wa vona, ku na swin'wana swintsongo swi nga tshama endzeni ka n'wina, ku baza nyana, hi ku tiva leswaku sweswo swi hoxekile nakona ya leyo i ndlela ya rifu.

⁶³ Hikuva, Yesu u teri, “Loko hi nga engetela rito rin'we eka Leswi, kumbe ku hunguta Rito rin'we eka Yona, xiphemu xa hina xa susiwa eBukwini ya Vutomi.” Wa vona, ku ngari

Matsalwa na man'we. Hi boheka ku Ri tekisa leswi Ri nga tsarisiwa xiswona. Nakona Xikwembu xi langutile Rito ra Xona, ku Ri endla, nakona ha switiva leswaku Ri fanele kuva leri lulameke.

⁶⁴ Swingaleswi, swi ngari na mhaka ni leswaku kereke yi ta ku yini, leswi un'wana a nga swivulaka, loko u tswariwile hi Moya wa Xikwembu, u va xiave xa Bibe. Xikwembu xi byerile Ezekiel, yena, wa muprofeta. Xi teri, "Teka tsalwa-songa u ri dya," kutani muprofeta na tsalwa-songa swivile xiave eka xin'wana. Nakona kwalaho i mupfumeri loko a amukela Moya lowo Kwetsima; Moya lowo Kwetsima hi wona wu nga tsala Bibe, nakona Moya wa Xikwembu i Rito ra Xikwembu. "Marito ya Mina i Moya. Ekusunguleni akuri na Rito, nakona Rito ari ri na Xikwembu, nakona Rito a xi ri Xikwembu. Nakona Rito ri endliwile nyama ri tshama exikarhini ka hina." Vaheveru 13:8, "Wa hari Yena tolo, namuntlha, ni hilaha ku nga heriki." Nakona loko mi ri xiphemu xa Rito lero, oho, loko ku ta swin'wana leswi swi hambanaka na Rito lero, [Makwerhu Branham a thokoza rintoho ra yena—Muhleri.] kuna ku baza nyana kuntsongo ku ngenaka hiku hatlisa. Wa vona, I ka ku tshinya wena leswaku rifu rile ndleleni. A hi fanelanga hi swi endla sweswo. Nakambe kuna . . .

⁶⁵ Matorha lawa ntsena i ya ntumbuluko. I ya ntumbuluko eka Mukreste. I ya ntumbuluko eka xivumbiwa xa ximunhu.

⁶⁶ Nakambe ku na torha ro humelela. Swi tano eka vanhu votala namuntlha, hilaha hi ngava exikolweni hakona xa torha leri! Ntsena hi swilemulekile, va sungurile university. Nakona hi rhelela ehansi lahaya, nakona vanhu va tirhisa magidi ya tidolara hi ku rhumela vana va vona exikolweni, kutani—kutani a ti university na tikholeji, na kuya emahlweni, kuya kuma dyondzo, "Leswaku wa humelela," va swi vitana, "vutomi." Kambe a ndzi na nchumu ku lwisana na sweswo, sweswi, hi swona. Kambe, eka mina, u nga ha kumeka eka swikolo hinkwaswo emisaveni, nakona hambi swi ri tano a nga kumanga ku humelela lokunene. Hi swona sweswo. Hikuva, sweswo swi endla swilo swa xinkadyana ntsena leswaku swi ku ovela nyana lahawani. Nakona ku na . . . Kambe loko u fa, wa swi sukela sweswo, na ikhononi leyi ya khale hi nga na yona.

⁶⁷ A ndzi ri eku swi vuleni siku rin'wana, a Phoenix. Swa ha yimile swi tshaha nakambe, leswaku, "Hinkwawo hluvuko lowu wa ximanguva lawa, nongonoko hinkwawo wa dyondzo, nongonoko hinkwawo wa xisayense, hinkwaswo swi hambana na Rito ra Xikwembu na ku rhandza ka Xona." Nhluvuko hi ku hetiseka . . . A ku ngevi na nhluvuko emisaveni leyi yi nga ta ta, kukotisa lowu. Lowu wo va nhluvuko lowu wu nga encenyetiwa. Xikwembu xi vile na nhluvuko wa Xona wo sungula ehenhleri ka misava, loko Xi tava xi vulavurile Marito ya Xona nakona va ta, mbewu yin'wana na yin'wana

kuya hi muxaka wa yona, nakona eka nhluvuko walowo akuri hava rifu, vuvabyi, maxangu. Kutani sweswi hi teka swilo leswi swi nga eka misava ya xisayense, leswi swi nga vekiwa lahawani ku ta swi khomelela kun'we, niku swi encenyeta eka swin'wana, nakona sweswo swi tisa rifu.

⁶⁸ Ku kotisa bomo ya athomiki. A ndzi titivi tifomula ta swilo leswi, kambe ndzi nga ha swivula hi ku hoxisa. Va teka yuraniyamu, ku ta ava mo—mo molekhulu, nakona molekhulu yi fayeka yi va tiathomo. Xana yi endla yini kwalaho? Ntsena yi pfurhetela, hakanyingi, ntsena yi hlasela. Hinkwaswo leswi hi swi endlaka!

⁶⁹ Hi teka murhi, hi vekela fomula *leyi* na fomula *leyi*, ku ta tshungula *leswi*, hi wu ngenisa eka hina. Nakona xana hi endla yini? Hi handzula swin'wana.

⁷⁰ Sweswi ndza vhumba leswaku ma hlaya, mi hlayile *Reader's Digest* ya nhweti *leyi* yi nga hundza, laha yi ngeteri, “Eka nguva *leyi* hi hanyaka eka yona sweswi, leswaku, majaha na tintombhi va ta fikelela xiyimo xa le xikarhi ka makume mbirhi na makume mbirhi—ntlhanu wa malembe hi vukhale.” Ehleketani hi sweswo. Swinhwenyetana swintsongo eka ku yima, na makume mbirhi, na makume mbirhi—mbirhi na malembe ya makume mbirhi—nharhu hi vukhale, xiyimo xa le xikarhi. Ma swi vona, swi endla hi yini, hi swakudya leswi swi nga hayibridiwa na leswi hi swi dyaka. Wa vona, i swilo, swakudya na—na vutomi lebyi hi byi hanyaka. Van'watisayense va hi tisele swona, nakona, hi ku endla sweswo, va le ku mi dlayeni.

⁷¹ A ndzi ri eAfrika laha ndzi nga vona majaha lava vo ka va nga tinghenisanga hi vunyingi eka mirhi evuton'wini bya vona. Vadya nyama *leyi* yi nga na swivungwana eka yona. Va nwa mati ya xidziva lexi xi langutekaka i ngaku xi nga dlaya havi. Nakona a ndzi duvula ndzi copa eka xicopiwa kuringa madzana mambirhi ya majarata, nakona a ndzi nga koti ku xi vona hi ppherhe ya tibayinokhulas ta “seven-fifty”. Nakona wanuna wa ntangha ya mina a yimile lahaya, a ndzi byela laha xi nga ba kona, hi mahlo ya yena ya nyama. Sweswi, loko hinkwawo ndhavuko lowu loko wu tava wu endlile swin'wana...Ndzi titwa tani hiloko loko a ndziri na mahlo ya yena na khwiri ra yena, a ndzi tava ndzi ri munhu wo saseka kahle. Ina.

⁷² Kambe laha mi nga kona, ma swi vona, sweswo hi leswi sayense, dyondzo, nhluvuko, hi dlayiwa hi swona. Ha ti dlaya hi hexe. Swi sungule entangeni wa Eden, swi tsutsuma ku ta fika namuntlha. Kambe, ku va na torha ra ku humelela!

Kutani, hi na torha ra xinakulobye. Ho famba, hi lava xinakulobye.

⁷³ Swikotisa jaha na nhwana. Sweswi, a swikahle kumbe swi ngari tano (ndzi vula leswaku) a hi swa ntumbuluko eka

jaha na nhwana ku—ku rhandzana. Kova torha ra rirhandzu. I xiyimo xa vona, nakona va—va rhandzana. Nakona a hi leswi swi ngariki swa ntumbuluko, sweswo kova nchumu wa ntumbuluko eka vona ku swi endla.

⁷⁴ Sweswi hi kuma swilo swo tala, eka vutomi lebyi hi hanyaka eka byona eka mirhi wa ntumbuluko, laha hi nga na torha ra swona. Kova ntsena swin'wana leswi swi tshamaka endzeni ka hina. Hi lava ku swi endla, hikuhtetiseka hi titwa swi laveka sweswo. Nakona swa laveka leswaku hi swi endla.

⁷⁵ Hi kuma vavasati votala, eka masiku lawa, kuva na torha ro saseka. Sweswi kuhava wansati...I nchumu wa ntumbuluko eka wansati kuva na torha ra ku saseka. Sweswo—sweswo i nsusumeto na ku saseka ka yena loku—Xikwembu xi nga n'wi nyika kona hikwalaho ka munghana wa yena. Kutani sweswi hi kuma leswaku vavasati va lava kuva hi ndlela ya leyo. Hikokwalaho ka yini swi ri tano? Ntsena swi hikwalaho ka swin'wana Xikwembu xi nga n'wi nyika. Nakona a swi hoxekanga eka vavasati ku saseka. Vafanele kuva tano.

⁷⁶ Nakona, ma swi tiva, hi vona xivumbiwa lexi—lexi xi nga saseka ngopfu xa xisati kutlula xa xinuna, swi le ka rimbewu ra ximunhu. Xiharhi xin'wana na xin'wana, tekani ho—ho homu ya ntswela kuya eka nkuzi, ndhakazi ya xisati kuya eka mhalamhala, mbhaha kuya eka nkuku, xinyenyana xa manana kuya eka xinyenyana xa tatana, minkarhi hinkwayo mi ta kuma xa xinuna xi ri lexikulu xi tlhela xi saseka. Kambe eka rimbewu ra ximunhu, ku kombisa leswaku hilaha ku nga ta ku encenyeta, ka hundzuluka; nakona i vavasati lava va—va nga xonga, nakona va na ku navela ka ku xonga.

⁷⁷ Kungari swin'wana swa swivumbiwa swa vuloyi leswi hi swivonaka exitarateni namuntlha; ee, ee, kungari ku saseka ka muxaka walowo. Ee. Sweswo i swo chavisa ngopfu loko u swi vona leswi ndzi nga se tshamaka ndzi swi vona evuton'wini bya mina. Ina, nkulukumba. Sweswo kova ku encenyeta loku ku encenyetaka torha ra ntiyiso.

⁷⁸ Sweswi, torha ra ntiyiso leri wansati a nga vaka na rona, i kuva ya “tibombisa hi maambalelo yo nyumisa, ni kuva na moya nyana wa Xikreste,” Timotiya wo Sungula 2:9. Yaleyo hi yona ndlela leyi wansati a fanelaka kuva na torha ra swona. Sweswi loko mi lava ku saseka, ya leyo hi yona ndlela leyi yi mi endlaka mi va lava va sasekeke, wa vona, i moya nyana wa Xikreste, niku ambala hi maambalelo yo nyumisa.

⁷⁹ Oho, mina, van'wana va vanhu lava va nga eswitarateni namuntlha! U ngaka u nga n'wi byeli wanuna loyi a humaka eka wansati, kutani i—i nchumu lowu wu chavisaka ngopfu ku wu languta lowu u nga...A ndzi nge swikoti, i—i...a ndzi—ndzi se tshama ndzi vona swin'wana swo kotisa

sweswo, tani hi vanhu. Swi le handle ka ximunhu. Mahlo ya pendiwile tani hi *sweswo*, kutani, ma swi tiva, mahlo ya vona yo languteka ya hlekisa ku kotisa mahlo ya xipululu, na hinkwako ku languteka ka vona ka maambalelo yo hlekisa. Kutani, hikokwalaho ka yini, a swi tano hambi... Hinkwavo va humile eka xivumbeko, a va ha languteki hambi kuri ku languteka ku fana na vanhu. Nakona van'wana va majaha ya vona lahawani, va ri na misisi leyi yi nga kameriwela ehansi, vasesi va vona, va vumbuluka emahlweni *lahawani*, ma swi tiva, hikokwalaho ka yini, i ku encenyeta loku ku nga hetiseka! Hi swona. I—i—i Sathana, nakona Sathana i muencenyeti.

⁸⁰ Loko Xikwembu xi tava xi endlile hinkwaswo entangeni wa Eden, a swi rhandzeka, kutani Sathana u ngenile a ta encenyeta. Sathana a nga swikoti ku tumbuluxa nchumu. Ku na Mutumbuluxi un'we ntsena, ku nga Xikwembu. Kambe Sathana u encenyetile ntumbuluko wo sungula. Kutani sweswi u kumeka eka (leswi ndzi lava ku vulavula hi swona vusiku lebyi) ku encenyeta ka—ka torha leri ri nga tumbuluxiwa ro sungula.

⁸¹ Sweswi, wansati, tani hilaha ndzi nga vula, va lava ku saseka. Kuna swin'wana eka yena, laha a nga wa xisati nakona u lava kuva hi ndlela ya leyo.

⁸² Kambe hi ndlela leyi va nga xiswona a xitarateni namuntlha, na “hair cut” yo kotisa ya wanuna, va ambala swiambalo swa vavanuna; kutani vavanuna va hundzuluka, va ambala swiambalo swa vavasati, na ti “hair cut” to kotisa ta vavasati. Wa vona, i ku encenyeta, nchumu hinkwawo! Swakudya swa wena swi lo encenyetiwa. Vutomi bya wena byi lo encenyetiwa. Torha ra wena, ri lo encenyetiwa. Ku navela ka wena ku lo encenyetiwa. Ro va siku ro encenyeta!

⁸³ A ndzi ri eku vulavuleni lahawani, ku nga ri khale ngopfu, hi *Edeni Wa Sathana*. Xikwembu xi teke ntsevu wa magidi wa malembe, kutani xi endla Edeni lowu wu nga hetiseka. Sathana u tile a ta fafazela timbewu ta kona, niku ti onha. Sweswi u na ntsevu wa magidi wa malembe, nakona u na Edeni lowu wu nga wa yena wa xisayense, ku tlhelela endzhaku nakambe eka ku encenyeta ka leswinene.

⁸⁴ Kutani leyi i nguva ya ku hayibrida, hayibrida. Hambi swi ri tano ya na—na tikereke namuntlha, ku fikela laha va tihayibridaka. Hi swona. Va kumeka lahawani, ntsena vo tiyela ekerekeni, yo va lonji ematshan'wini ya kereke. Kereke i ndhawu leyi vanhu va taka kun'we va ta gandzela Xikwembu hi Moya na Ntiyiso. Nakona namuntlha yo va lonji. Hi ya lahaya hi ya va na xinkadyana nyana xo tlhavulana mavoko, na xinakulobye, na kuva na kofi nyana ya ntima endzhaku ka muako, nakona mi tlhelela ekaya ku kondza vhiki leri ri taka, kutani hi tirhile ntirho wa hina wa vukhongeri.

⁸⁵ Sweswi yo va nguva leyi yi nga encenyetiwa. Nakona Sathana u le ku encenyeteni ka matorha lawa Xikwembu xi nga ya veka endzeni ka n'wina, kuva na torha. Sathana u le ku ma encenyeteni. Sweswi loko u lava ku tiva swa ntiyiso, ku encenyeta . . .

⁸⁶ Loko n'wina, vavasati, mi lava ku saseka, tekani Timotiya wo Sungula 2:9, va lava hi lava “va tibombisa hi maambalelo yo nyumisa—yo nyumisa, va ri na moya nyana wa Xikreste, ku titsongahata, ku yingisa vavanuna va vona,” nikuya emahlweni. Yaleyo hi yona ndlela leyi mi faneleke ku ti bombisa hi yona, vutomi lebyi mi byi hanyaka.

⁸⁷ U encenyeta ntumbuluko wa ntiyiso wa Xikwembu, na torha ra ntiyiso ra Xikwembu, wa miri na moya, hi ku navela vudyoho. Vudyoho, ku encenyeta! Sweswi hi kuma leswaku, munhu namuntlha, hi ndlela leyi va nga teka ku encenyeta kwaloko; kuva na torha ra Xikwembu, torha ra ku saseka, na hinkwawo matorha lawa. Hikuva, mati, va ma hundzurile va ma endla lama ma ringaneleke eka sweswo hi ku nwa. Torha ra ntsako, un'wana na un'wana u lava ku tsaka; torha ra xinakulobye; hinkwawo matorha lawa Xikwembu xi nga ya veka eka hina, leswaku hi nga hava na torha ra Xona. Xikwembu xi mi endle leswaku mi va na torha ra Xona, kutani hi ringeta ku tienerisa rona hi muxaka wun'wana wa torha, hi muxaka wun'wana wa ku encenyeta torha lerinene. Ma swi vona hilaha swi nga eka ntumbuluko? Ma swi vona hilaha swi nga eka ximoya? Hi ehleketa leswaku, ntsena loko hi joyina kereke, sweswo—sweswo swa swi tshamisisa, sweswo hi swona hinkwaswo hi faneleke ku swi endla. Kunene, sweswo swi hoxekile hakunene. Ee.

⁸⁸ Xikwembu xi mi lava leswaku mi va na torha ra Xona! “Hilaha ntswele ya mhunti yi rilelaka mati ya milambu, moya wa mina wu Ku naverisa xisweswo, Wena Xikwembu.” Wa vona? Wa vona?

⁸⁹ Sweswi, loko ndhakazi ya leyo yi rilela mati ya milambu, ku nga humelela yini loko un'wana a nga ta a humelela, na munghana wun'wana wa ndhakazi a humulela, a ku, “A vula leswaku, ndzi ta ku byela leswi ndzi—ndzi nga ta swi endla. Ndzi tiva laha ku nga na goji ra ridaka lahawani.” Kunene, ndhakazi yi ngaka yi nga swilavi sweswo. Yena, sweswo swi ngaka swi nga n'wi endleli swa kahle.

⁹⁰ Nakona kuhava lexi xi nga temulaka torha lero ri nga emunhwini, kufikela laha Xikwembu xi ngenaka. U boheka kuva na Rona, kumbe a fa. Nakona kuhava vanhu lava va nga ringetaka ku miyeta kumbe ku temula torha lero ro kwetsima, leri ri nga eka yena, hi swilo swa misava. Ee, nkulukumba. A hi swa vukhongeri ku swi endla. Nakona loko u ri na torha ra Xikwembu, u nga tlhavulani mavoko na muchumayeri

na ku tsarisa vito ra wena abukwini. Loko u ri na torha ra Xikwembu, kuva na nchumu wun'we ntsena lowu wu nga ri temulaka, kwalaho i ku, hlangana na Xikwembu. Loko u ri na torha ra Xikwembu, ya leyo hi yona ndlela yi ri yoxe leyi u nga hlanganaka na Xona, i ku endla sweswo.

⁹¹ Nakona kuna khombo lerikulu, nakona, loko u nga languti leswi u swi endlaka hi nkarhi walowo. Loko u ri na torha ra Xikwembu, u va na ntiyiso wa leswaku i kume Xikwembu. Wa vona, vana na ntiyiso wa leswaku torha ra wena ra enetiseka. Kambe loko Sathana a swikota ku ku encenyeta, eka ku navela loku ka ntumbuluko, nakona sweswo u ta swi endla loko a nga swikota, u ta—u ta ku endla leswaku u ringeta ku tienetisa hi ku olova.

⁹² Munhu a huma, i ncini lexi xi endlaka leswaku munhu a pyopyiwa? Hikokwalaho ka kuva ari ekuvileleni niku khunguvanyeka. Kuna swin'wana swi pfumelekaka eka yena.

⁹³ A ndzi ri a Mayo, lahawani ku ngari khale ngopfu, nakona a ndzi ri kwalahaya eka nkonaniso. Nakona swi vuriwile eka leswi, leswaku, ku vulavulariwa hi ku nwa, kutani ndzi va byerile leswaku tatana wa mina wa nwa.

Va ku, “I yini lexi xi n'wi endlaka leswaku a nwa xana?”

Ndzi ku, “A ndzi switivi.”

⁹⁴ A ku, “Swi hikokwalaho ka kuva kuri na swin'wana leswi (yena) a swi nga n'wi enetisi, nakona a ehleketa leswaku a nga nwa leswaku a ta swi susa emiehleketweni ya yena.”

⁹⁵ Ndzi swi kuma kwalaho, wa vona. A kuri Xikwembu hakunene, a kuri nchumu wuri wun'we lowu wu nga enetisaka torha lero. Xikwembu hi Xoxe hi xona xi ri xoxe lexi xi nga enetisaka torha lero ra ximunhu, ku nga ku amukela Xikwembu.

⁹⁶ Sweswi Sathana u teka swilo leswi, tani hilaha ndzi nga vula, kutani a swi encenyeta. Kutani loko mi—kutani loko mi... Loko wo ka u nga ri nyiki torha lero ndhawu ya kahle evuton'wini bya wena, nakona u ngavi na torha nakona u teka swilo leswi Xikwembu xi nga swi nyika ku miyeta torha lero, kuri temula, kutani Sathana u ta ku yisa kun'wana eka mati ya yena lawa ya nga yima ya thyaka ra misava leyi. U boheka kuva na rona kun'wana. Loko u nga swi kumi swakudya, u ta dya kusuka ebakitini ra tala. Wa vona? Nakona loko—loko u nga ya kumi mati, nakona u ri ekufeni, u nwa kusuka eka—eka xidziva xa muxaka wun'wana, hikuva wa lova.

⁹⁷ Kambe kuhava xivangelo xa sweswo, loko u ri na torha ra Xikwembu, hikuva Xikwembu i Xikwembu lexi xi hanyaka, ku ngari xin'wana xa matimu. “Moya wa mina wu na torha ra Wena, Xikwembu lexi xi hanyaka,” Xin'wana lexi xi nyikaka mati lawa ya hanyaka, Yan'wana lawa ya enetisaka.

⁹⁸ Kuna ntumbuluko wun'wana, ntumbuluko, ntsena torha ra ntumbuluko, eka torha lero ra moya. U nga ha ku, "Makwerhu Branham, xana moya wu na torha, i swa ntumbuluko sweswo?" Ina, sweswo i ntumbuluko kuva moya wu va na torha. Nakona i, hikuva Xikwembu xi ku endle hi ndlela ya leyo, leswaku u nga hava na torha ra Xona. Xi ku lava leswaku u va na torha ra Xona. Sweswi, Xikwembu xi ku endlise xisweswo. A Xi nga fanelanga xi mi endle hi ndlela ya leyo, kambe Xi swi endlile. Nakona loko Xi nga mi endlisanga sweswo, leswaku u tava na torha, ku tava na xibajelo eXitulwini xo Avanyisa, i ku, "A ndzi—ndzi—ndzi kalanga ndzi va na torha ra Xikwembu." Kambe, ku hava xibajelo, ma pfumela. Mi ta xi endla hi ndlela yihi; u nga ha xi endla ha nsati wa wena, u nga ha xi endla hi movha wa wena, u nga ha xi endla hi swin'wana, u nga haya ekerekeni u ya ringeta ku riennerisa. Nakona a ndzi na nchumu ku lwisana na kuya ekerekeni, kambe sweswo a hi ku enetiseka. I ku kuma Xikwembu, Xikwembu lexi xi hanyaka, Xikwembu xa Matilo, emoyeni wa wena, lexi xi enetisaka ku navela kwaloko ni kuva na torha lero u nga ri navela.

⁹⁹ Sweswi, kutani, Xi mi endlile leswaku mi nga hava na torha ra Xona, hikwalaho ka xinakulobye xa Xona. Sweswi, kuna torha ra xiviri ra xinakulobye. Sweswi ku kotisa loko hi hlangana na un'wana. Hi le ku endleni ka sweswo madyambu lawa. Hi hlanganile lahawani kun'we vusiku lebyi hikuva hi rhandza xinakulobye, un'wana eka un'wana. Xana hi swi endlile yini sweswo? Hikuva kuna swin'wana endzeni ka hina lexi xi endlaka leswaku hi hlangana na un'wana. Sweswo i ntumbuluko. Kutani sweswi hi hlangana eka mhaka yin'we lahawani, laha ku nga, hikuva hinkwerhu hi na torha ra Xikwembu. Wa vona? Kutani hi hlangana lahawani eka ntolovelolo, ndhawu leyi yi nga yin'we lahawani ya xinakulobye. Ekerekeni vusiku lebyi, lahawani, ku nga hava kuri na mavonelo yo tala ya xidinominexini, na kuya emahlweni; kambe loko swi ta eka torha lero, hi nga ha hlangana eka ndhawu yin'we, ndhawu yin'we: hinkwerhu hi na torha. Van'wana va nga ha pfumela eka ku haxa hi mati, un'wana eka nkhuvelo, kutani lon'wana eka ku chela kunene hi mati, kumbe ku ya emahlweni; kambe loko swi ta eka torha ra Xikwembu, hi—hi ta eka ndhawu yin'we ya matitwele. Nakona Xikwembu xi hi endlise xisweswo leswaku hi nga ha swi endla sweswo, kuva na torha ra Xona na xinakulobye xa Xona. A ndzi tivi nchumu. . .

¹⁰⁰ Loko ndza ha ri xifanyetana, ndzi tsundzuka ndzi kurisiwe endyangwini lowu wu nga swela swinene. Nakona ndzi tsundzuka hilaha minkarhi yo tala a ndzi rhendzeleka ni vanakulorhi. A ndzi nga ambali tani hiloko hi huma hi ya endhawini ya nkoka. Kambe, a ndzi—ndzi switivi, kuna

swin'wana ha vanhu, leswi ndzi swi tsakelaka. Ndzi tsakela ku kumeka ndzi ri na vona. Kambe a ndzi ri, to hlava kumbe tintongo, leswi swi vitaniwaka, nyimpfu ya ntima. Kutani loko ndzi tava ndzi ponisiwile ndzi kuma Nchumu walowo wu nga eka mina, lowu ndzi ngava na torha ra wona, ra—ra Munghana, Un'wana loyi a nga tava chomi eka mina, Un'wana loyi ndzi nga n'wi tshembhaka, Un'wana loyi u nga tshamaka ehansi na yena u vula leswi swi ku karhataka eka yena. Kutani loko... Ndzi kumile ku enetiseka kwaloko ka ntiyiso loko ndzi tava ndzi kumile Yesu Krete, loyi a nga Muenerisi wa ntiyiso loyi a susaka hinkwaswo—hinkwaswo... a susaka torha lero hinkwaro, kutani a ku nyika Swin'wana leswi—leswi swi langutekaka ntsena kukotisa loko kuri hava leswi swi nga tekaka ndhawu ya Xona.

¹⁰¹ Nakona hilaha Sathana a ringetaka ku encenyeta ku enetiseka loku ka moya, torha lero ra moya! U ringeta ku mi nyika hinkwaswo leswi swi nga ta swi enetisa. Nakona hi yena wa vuxisi swinene eka masiku lawa yo encenyeta. Leyi i misava leyi yi nga encenyetiwa. I rixaka leri ri nga encenyetiwa. I vanhu lava va nga encenyetiwa. Hinkwaswo swi encenyetiwile, nakona u encenyetile hilaha ku pimiweke ku fikela laha swi vaka nguva ya vuxisi leyi hi nga na... leyi xivumbiwa xa ximunhu a nga tshama a hanya eka yona. Yi na vuxisi swinene kutlula hilaha yi nga tshama yi va kona.

¹⁰² Sweswi ntsena mi—mi ngaka mi nga swianakanyi hilaha tiko ri nga na vuxisi hakona, hambu kuri vamakwerhu lava va nga va hina, tani hi vanhu va Amerika.

¹⁰³ A ndzi vulavula hi swin'wana nkarhi lowu wu nga hundza. A ndzi ri enhoveni mavhiki ya ntongo lawa ya nga hundza kutani ni kuma phakiti ra fole ri—ri—ri kwalahaya enhoveni. Nakona ri ku kwalahaya, “Ku ehleketa hi filthara ya munhu.” Nakona ndzi yile emahlweni na nhova swintongo nyana hi tindlela, kutani ndzi vuya; swi tshamela ro ta emiehleketweni ya mina, “Ku ehleketa hi filthara ya munhu, na ku nantswa ka ku zaha ka munhu.”

¹⁰⁴ Kunene, a ndzi ri eka World Fair, malembe yo nyawula lawa ya nga hundza, ma tsundzuka loko va tava vari na Yul Brynner na hinkwavo ka vona kwalahaya, loko vari eku endleni ka nkombiso wa tisigarete. Ni hilaha va nga zahisa xiswona niku ri veka eka xiphemu xa mavula, kutani va teka Q-tip va harika nikhothayini va yi susa kwalahaya, kutani va yi vekela enhlanini wa kondlo. Hi masiku ya nkombo, ari ri na mfukuzani yo tala leyi yi nga endla leswaku ri tsandzeka na ku yima hi milenge ya rona. Wa vona, hi sigarete yin'we ntsena! Kutani a va kombisa hilaha loko sweswo swi famba eka hawu ra munhu. Van'wana va vona va ri, “A ndzi ri hefemuli. Ntsena ndzo ri koka hi nomo wa mina.” Swikombisa hilaha ri nghanaka hi marha ri rhelela ehansi ntsena ku fana, ri ya enkolweni, wa vona.

¹⁰⁵ Kutani munhu loyi a ku, “Wa vona u vulavula ngopfu hi filthara.” U teri, “Sweswi, loko u ri naku navela,” kuna torha, ma swi vona, “ku navela ku zaha sigarete, sigarete rin’we ri nga ha endla ku enetisa ku navela kwaloko hi nkarhi wun’wana. Kambe loko u ri na filthara, swi teka tisigarete ta mune ku enetiseka,” a ku, “hikuva u kuma rin’we ntsena eka mimusi ya mune.”

¹⁰⁶ Kutani a ku, “Ku zaha loku ku ringetiwaka hi munhu”? Wa vona, u ngaka u ngavi na musii handle kaloko u nga kuma thari. Kutani loko u tava u kumile thari, u na mfukuzani. Swingaleswi u tano, wa vona, kova—kova ntsena mano yo koka mahlo ya vanhu. Nakona ndzi ehleketa hi—hi khampani ya thobakho leyi yi nga eka tiko leri, nakona—nakona yi hanya hi tiko leri, kutani na mano ya vuxisi hi ndlela ya leyo, leswaku hakunene ri ta xisa vaaki va Amerika, ku tava xisa. Ku ehleketa hi filthara ya munhu? Kova ntsena mano ya vuxisi yo xavisa mafole yo tala ya tisigarete.

¹⁰⁷ Kutani ndzi ehleketa hi nchumu walowo, “Ku ehleketa hi Filthara ya munhu,” ndzi ehleketa, “ya leyo i miehleketo ya kahle.” Swingaleswi kuna ku ehleketa hi Filthara ya munhu, ya leyo i Bibele leyi. Ku—ku ehleketa hi filthara ya munhu leyi yi nga ta teka Filthara leyi, Yi ta tswala nantswo wo lulama wa munhu. Wa vona?

¹⁰⁸ Sweswi, a wu nge swikoti ku koka vudyoho u byi humesa eka Bibele leyi. Ee, Ya swi yimisa. Ya swi hluta swi huma. Sweswi, u nga ha ya ekerekeni, niku teka ntsena xin’wana na xin’wana, kambe u ngaka u nga ti hi Bibele leyi u tlhela u va na vudyoho. Yi ngaka yi nga swi endli. Yi hluta vudyoho hinkwabyo, nakona Yi nyika munhu loyi a kwetsimaka nantswo. Hikuva loko munhu a ehleketa leswaku u lava ku kwetsima, nakona a fana na Xikwembu, kutani a va jaha kumbe nhwana wa Xikwembu, kwalaho u lava muxaka wa kahle wa Filthara. Swingaleswi U yimisile vudyoho hinkwabyo eka tlhelo leri ra Bibele, nakona ntsena A nga ha tisa Moya lowo Kwetsima ha Bibele, lowu wu nga tsala Bibele. Yi nantswo wa munhu loyi a kwetsimaka, kuva a va na ku ehleketa loku ka Filthara ya munhu.

¹⁰⁹ Sweswi hi kuma hilaha swi nga na vuxisi hakona namuntlha. Matewu 24:24, Yesu u teri, “Emasikwini ya makumu, leswaku, mimoya yi mbirhi yi tava yi ri ekusuhi swinene yi fanana kufikela laha yi hambukisaka na vona Vahlawuriwa loko swi nga koteka.” Ekusuhi njhani! Njhani, hi byihi vuxisi lebyo—lebyo lulama ni lebyo hoxeka, hi nga na byona namuntlha!

¹¹⁰ Hambi kuri—kuri eka mfumo wa hina, eka tipolotiki ta hina, a hi—a hi kumanga hambu kuri ku kuma munhu loyi hi nga n’wi vekaka ehenhla tani hi n’watipolotiki, loyi hakunene a nga ta

yimela leswi a ehleketaka leswaku i ntiyiso. U kwihi Patrick Henry wa hina na George Washington, na Abraham Lincoln namuntlha? Ntsena tani hi Presidente wa hina a nga vula lahaya, “Hi ndlela ya ku, loko va lava xikhomonisi, va nga hava na xona, hinkwaswo leswi vanhu va swi lavaka.” Loko ya loyi a nga—nga ri yena munhu loyi a vulavulaka a nga ncinci! Munhu u ta yima eka nawu, yaloye u ta yima eka leswi nawu wu nga. . . ntsena u lava ku—ku—ku famba hi ndlela leyi ntsongo yo alela.

¹¹¹ Kutani ya leyo hi yona ndlela leyi vanhu va nga na yona, ekerekeni. Va lava ku ta va ta joyina kereke, nakona va ku, “Oho, kunene, sweswo—sweswo hi swona, ndzi—ndzi joyinile kereke swesi.” U le ku ringeteni ka ku enerisa torha ra kahle leri Xikwembu xi nga ri ngenisa endzeni ka wena, Xihondzo xexo xa vulawuri xi le ku ringeteni ka ku ku hundzuluxela eka nchumu wa kahle, nakona u ringeta ku wu korwisa hi ku joyina kereke, u ri karhi u tshaha mikhuva, kumbe swin’wana swo kotisa sweswo. Loko, swi nga ri nchumu kambe Vukona lebyi byi nga kona ni kutwa Xikwembu hi Xoxe evuton’wini bya wena, lexi xi nga ta enerisa sweswo.

¹¹² A ngaka a nga enetisiwi hi mukhuva. U ngaka u nga hunisi mukhuva a Bibeleni. Ee. Kuhava hambi kuri Mukhuva wa Vaapostola, leyi yi vitaniwaka sweswo, yi ngaka yi nga ti hi Lahaya. Ndzi kombe eBibeleni laha Mukhuva wa Vaapostola wu nge, “Ndzi pfumela eka kereke ya Holy Roman Catholic; ndzi pfumela eka xilalelo xa vakwetsimi”; loko Bibe leyi teri, “Kova na muhlanganisi un’we ntsena exikarhi ka Xikwembu na munhu, nakona yaloyi i Wanuna Krete Yesu.” U ngaka u nga swi humesi sweswo eBibeleni.

¹¹³ A wu nge swikoti ku humesa mancinelo lawa hinkwawo, na swokoma, na swilo leswi vanhu va swi endlaka namuntlha, ku tisoa—soha loku na watusi, na swilo leswi hinkwaswo, hi Rito ra Xikwembu. A wu nge swikoti ku humesa ngati leyi ya ximanguva lawa ya nhluvuko ha Bibe leyi yaleyo. Yi lwisana na swona. Wa vona? Nakona u ringeta ku enetisa torha lero, kambe, ma swi vona, ri ta. . . Bibe leyi ntsena yi ta enetisa wanuna la lulameke kumbe loko wansati a ringa. Moya lowo Kwetsima lowu, lowu va nga ta wu hleka, va ku, “U humile eka miehleketo ya wena.” Kambe Sweswo swi enetisa ku navela kwaloko, nchumu walowo lowu misava yi nga tiviki nchumu ha wona. Va ti encenyeta vona hi voxo, kusuka eka nkuvulo wa ntiyiso wa Moya lowo Kwetsima na Rito ra Xikwembu, (kuya kwihi?) kuya eka mati yo yima, mati yo yima ya kereke, ya milawu ya kereke na mikhuva, ni—ni ku hambana ka vudinominexini, ni kuya emahlweni.

U ri, “U Mukreste?”

¹¹⁴ “Ndzi Mumethodist. Ndzi Mubaptist. Ndzi Mupresbyterian.” Sweswo a swi vuli na nchumu eka

Xikwembu, na nchumu. U ngaka u nga humesi swilo swa vona hi Bibele ya Xikwembu lahawani. Nakona u le ku ringeteni ka ku enetisa torha lero ro kwetsima leri Xikwembu xi nga ku nyika rona, kuva na torha ra Xona. A hi swona xana? [Nhlengeletano yi ku, “Amen.”—Muhleri.]

115 Sweswi, ma swi tiva leswi Davida a nga swivula lahawani, “hi Xikwembu lexi xi hanyaka.” Sweswi, “Ekusunguleni a kuri na Rito, nakona Rito a ri ri na Xikwembu, nakona Rito a ri ri Xikwembu. Kutani Rito ri tивonakarisi le hi nyama ri tlhela ri tshama exikarhi ka hina.” Kutani a ku ngevi na ku enetiseka kufikela laha Rito leri, leri ri nga Xikwembu, ri va leri ri hanyaka endzeni ka n’wina, kutani mi vona Xikwembu hi Xoxe xi hetisisa switshembhiso leswi Xi nga swi endla eBibeleni.

116 Sweswi hi na vatoloki vo hambanana va Bibele. Kereke yin’wana yi Yi toloka hi ndlela *leyi*, yin’wana yi Yi toloka hi ndlela *liya*, kutani yin’wana hi ndlela *leyi*. Van’wana a va kali va teka nchumu kambe xiphemu nyana xa Rona; van’wana va teka *lahawani* na *lahaya*, xiphemu xa Rona. Kambe Xikwembu hi Xona Muhlamuseti wa Vuxona. Loko Xi tava xi endlile xitshembhiso xi tlhela xi xihetisisa, kwaloko hi kona ku toloka ka kona.

117 Loko ndzi nga mi tshembhisa leswaku ndzi tava lahawani vusiku lebyi, nakona ndzi fika, sweswo i ku hetisisa xitshembhiso xa mina. Loko ndzi vula leswaku ndzi ta hlangana na n’wina na mixo, nakona ndzi va kona, xexo i xitshembhiso xa mina. A kuna xilaveko xo baja hi swin’wana, ndzi fanele kuva kona.

118 Kutani loko Xikwembu xi endlile xitshembhiso, kutani xi ta xi ta hetisisa xitshembhiso xexo, sweswo i ku toloka ka xitshembhiso. Nakona ndzi nga ha ringeta un’wana leswaku a teka Xikwembu eRitweni ra Xona, nakona hi vona loko Rito rin’wana na rin’wana leri ri nga eka Bibele ya leyo ri ngari Ntiyiso. Hi swona sweswo. Sweswo hi leswi torha ri nga xiswona endzeni lahaya.

119 Mi ri, “Loko a ndzi lo hanya emasikwini ya Yesu, a ndzi tava ndzi endle *leswi na leswi*.”

120 Hikokwalaho ka yini, u le ku hanyeni eka masiku ya Yena. Xana hi endla yini ha swona? Hi endla yini xana? Mi ri, “Kunene?” Leswi u nga swi endla, nkarhi wun’wana hi leswi swi nga endla hi Vafarisi. A va nghena kereke, va tlhela va ala Yesu Krete.

121 Hi tala ku vula leswaku namuntlha, vanhu va ringeta ku vula leswaku, “Ha pimanyisa. Hi fanele ku pimanyisa tluka ra Bibele hi tluka ra Bibele, Matsalwa hi Matsalwa.” Walowo a hi Ntiyiso. Ee, a hi wona Ntiyiso. “Rito leri ra Xigriki ri vula *leswi*, nakona *leswi* swi vula *sweswo*.” Magriki vona hi voxo, endzhaku

eNicaea Council, na va tsari va vona lahaya endzhaku, va vile na swivumbeko swo hambanana. Un'wana u pfumela hi ndlela leyi, xidyondzeki *lexi* xa Mugriki xi vula *leswi*, kutani un'wana u vule *leswi* a swi vula hi ndlela *leyi*. Nakona va ba mpongo ha Rona. A hi kali hi lava ku tolokeriwela hi swidyondzeki swa Magriki kumbe marito ya Xigriki.

¹²² “Ku tiva Yena i Vutomi,” Munhu, Krete hi yexe! Ku ngari ku pimanisa. I nhlavutelo lowu Xikwembu xi nga aka Kereke ya Xona ehenhla ka yona. Nakona loko hi nga aki ehenhleni ka Kereke yo fana ni yaleyo. . . .Bibele yi teri, “Abel, hi ku pfumela!” Nakona ripfumelo i nhlavutelo wa Vukwembu. Wa vona, ripfumelo i nhlavutelo wa Vukwembu. Hi swona. Nchumu Lowu hinkwawo wu akiwile ehenhleni ka nhlavutelo kwalaho, nakona handle kaloko leswi swi paluxiwa eka n'wina! Yesu u teri, “Ndza Ku khensa, Tatana, hikuva swilo leswi U swi tumbetele lavo tlhariha va misava leyi, kutani u swi paluxela vana lava va nga ta dyondza.” Wa vona, sweswi, nchumu hinkwawo wu akiwe kwalahaya, mi fanele ku tiva Munhu wa kona!

¹²³ Nakona u ngaka u nga swi enetisi sweswo hi ku joyina kereke. U fanele u kuma Munhu, Xikwembu hi Xoxe, laha xi nga Rito na—na ku titelokela xona N'winyi namuntlha, xitshembhiso lexi Xi nga xi endla namuntlha. Vanhu lava Xi nga tava na vona eka siku leri, “Kereke leyi yi ngariki na xivati kumbe ku konya,” a xi vuli dinominexini; xi vula vanhu, munhu ha un'we—un'we loyi a ngariki na xivati kumbe ku konya. “Kambe vambirhi emubedweni, Ndzi ta teka un'we ndzi siya un'we; vambirhi lava va nga ensin'wini, Ndzi ta teka un'we ndzi siya un'we.” Kambe loko Xikwembu, torha rero ro kwetsima ra ku fana na Yena, nakona u swi vona leswaku Rito ra Xona ri le ndzeni ka wena, ri titiyisaka hi Roxe, leswaku u nandza wa Xikwembu. Hinkwaswo leswi Xikwembu xi swi vulaka, ntsena wo swikandziya hi xikunwani, kutani u ta hi maendlelo ya kahle ku ta enerisa torha lero ro kwetsima leri ri nga endzeni ka wena.

¹²⁴ Oho, hakunene, vanhu va ta ku hleka, va ku, “U lahlekəriwe hi miehleketo. Wa ti pengela.” Kambe tsundzukani laha va nwaka kona, wa vona. Langutani laha va nga kona. Mi nga ha swianakanya pitsi lerikulu ra mati yo yima ri pfelerisa mati ya kahle, kutani un'wana loyi a nga eka rin'we ra magoji ya vona lawa ya nga lahaya, na mintlambya leyi yi nga fela kona, na mikhuva, hinkwaswo swi le ka xona, va nwa kona kwalahaya, va ku languta va ku hleka? Oho! Hikokwalaho ka yini, a nga switivi, a nga xi tivi xi—xi Xinambyana lexi xi susaka torha lexi u hanyaka hi xona. Hi swona sweswo.

¹²⁵ Hi na Xikwembu lexi xi hanyaka. Ku ngari lexi xi nga fa emalembeni ya khume nkaye wa madzana lawa ya nga hundza ni ku tshama esirheni, kambe Loyi a nga pfuka nakambe. Vaheveru

13:8, yi ri, “Wa hari Yena wa tolo, namuntlha, ni hilaha ku nga heriki.” Moya lowo Kwetsima wa luwa wu nga tshama wu wa hi Siku ra Pentekost wa hari Moya lowo Kwetsima lowu wu nga kona sweswi. Hi Yena Xindhawani lexi xi enetisaka, hikuva hi Yena Rito. Hi swona. Moya lowo Kwetsima wu tsarile Rito, Wa ri toloka Rito. Bibebe yi teri, eka Petro wa Vumbirhi, leswaku Moya lowo Kwetsima wu tsarile Bibebe, “Vavanuna va khale, va fambisiwile hi Moya lowo Kwetsima, loko va tsala Bibebe.”

¹²⁶ Sweswi, u ngaka u nga swi endli, a wu nge swikoti ku enetisa torha lero ro kwetsima ku ngari ha nchumu handle ka Xikwembu hi Xoxe xi hanyaka endzeni ka wena, eka Munhu wa Moya lowo Kwetsima. Dyondzo, ndhavuko, ku joyina tikereke, ku phata mikhuva, ku ya nghena eka xinakulobye; hinkwaswo swilo leswi swi kahle, kambe hi ku hetiseka swi ngaka swi nga ku yimisi ku miyeta kwaloko ko kwetsima, torha lero—lero ro kwetsima, kumbexani, a wu nge swikoti ku miyeta torha lero ro kwetsima.

¹²⁷ A ndzi yingiserile Billy Graham, muevhangeli lonkulu, vusiku byin'wana. Ndza mi byela, ndzi n'wi khongelela ngopfu sweswi kutlula hi laha ndzi nga tshama ndzi swi endlisa swona. Ndzi n'wi vonile ari karhi a va phutselela rona, hi ndlela leyi va nga swi endlisa xiswona. U teri, “Ntlawa walowo wa vafundhisi va taka hi patu, na tikholoro ta vona leti ti nga bohiwa!” Va ri karhi va rhelela lahaya laha ku ngariki na leswi va nga swi yelaka, va yimisela tinhompfu ta vona eka swin'wana. Kambe a vari ekufambeni hi patu, [Makwerhu Branham a phokotela mavoko ya yena—Muhleri.] va phokotela mavoko ya vona niku bambatela minkondzo ya vona. Kunene, va languteka va nga ri vavumbuluki lavo kwetsima. Sweswi, ma swivona, kambe va na leswi va—va swi pfumelaka. Va na swin'wana, swi nyanyula moya. Va na swin'wana leswi swi va nyanyulaka. Wansati un'wana u yile a ya yimisa nhompfu ya yena naku yimisela nhloko ya yena eka swin'wana lahaya, nakona a va ehleketa leswaku i muxanisiwa, nakona a ngari na nchumu ku nghenelela eka swona. Sweswi hi kuma leswaku vavanuna lava [Makwerhu Branham a phokotela mavoko ya yena] a vari na swin'wana leswi va nga swi phokotelelaka mavoko. A va tsakile. A vari eku endleni ka swin'wana.

¹²⁸ Kunene, loko u nga endla sweswo eka—eka nawu lowu u ehleketa leswaku wu kahle lahawani; nakona u yima ekerekeni kutani van'wana va phokotela mavoko ya vona kumbe ku phumundha minkondzo ya vona, madiyakoni ya nga va humesa hi nyangwa. Wa vona, va hundzuluxele vanhu va vona eka xidziva xa mati yo yima ya thyaka ya mikhuva na dinominexini, ematshan'wini yo va phamela Rito ra Xikwembu leri ri nga katekisiwa, leri ri nyikiwaka hi Matimba ya ku pfuka ka Yesu Kreste.

¹²⁹ Wa vona, va ringeta ku swi endla, va susa torha ra vona hi ku vula leswaku, “Ndzi Dokodela *Swingere-ngere*,” kumbe ndzi huma eka seminari yin’wana kumbe xikolo xin’wana. Kambe sweswo a swi vuli nchumu, a swi nchumu. Kambe, ma swi vona, vona, va ringeta ku tienetisa vona hi voxe, va ku, “Sweswi Xikwembu xi ta ndzi tekela enhlokweni hikuva ndzi mufundhisi wa Xona. Xikwembu xi ta ndzi tekela enhlokweni hikuva ndzi Fada wo kwetsima wa *Swingere-ngere*, kumbe Bishopo *Swingere-ngere*,” kumbe—kumbe swin’wana swo kotisa sweswo. Va le ku ringeteni ka ku enetisa torha ra vona lahaya, loko u nga fanelanga ku swi endla. “Ndzi na Ph.D., LL.D. Ndzi na Bachelor of Art. Ndzi na leswi.” Swi kahle sweswo. Kambe, eka mina, sweswo ntsena swo vula leswaku wo va ekule na Xikwembu. Hi swona sweswo. Sweswo swile kule na Xikwembu, nkarhi hinkwawo!

¹³⁰ Ntsena u tiva Xikwembu hi ntokoto. U ngaka u nga swi dyondzisi Leswi eka wena. Swi tswaleriwe eka wena! Hi swin’wana leswi Xikwembu xi ku nyikaka swona. Dyondzo ku hava leswi yi nga swi endlaka ha Swona. Un’wana wa vavanuna lavakulu aBibeleni a va nga swikoti hambu kuri ku swi kota kutsala mavito ya vona, Mukwetsimi Petro. Hi swona sweswo, yena na Yohana, Bibele yi teri, “Havumbirhi a vari va honisi ni kuva va nga dyondzanga.” Kambe swi tsakisile Yesu ku n’wi nyika makhiya ya Mfumo, hikuva ari na torha ra Xikwembu. Amen. Kuva na torha ra Xikwembu, xinakulobye. Ina, nkulukumba. Oho, mina!

¹³¹ Ndzi ehleketa hi Esaya, jaha lero, oho, jaha ra kahle, ari ehansi lahaya etempeleni, siku rin’wana.

¹³² Hosi leyikulu, u vekile xikandza xa yena ku kongomana na yena niku ehleketa leswaku i vavanuna lavakulu. Laha, ari munhu wa kahle. U kurisiwile, hi vatswari va kahle, manana wa kahle na papa. Kambe loko a huma, tipolotiki ta yena a ti basile, nakona u lulamisile swilo na Xikwembu. Kutani Esaya u n’wi langutile nakona a ehleketa leswaku ari munhu wa kahle, a n’wi veka leswaku a va xikombiso. Kambe u nga kali (nakan’we) u vekela munhu, handle ka Munhu Krete Yesu, leswaku a va Xikombiso xa wena. Vanhu hinkwavo va ta hluleka. Endzhakunyana, u kumeke endhawini; ari—ari hosi, kambe u ringetile ku teka ndhawu ya muprista kutani a ya nghena etempeleni, nakona u biwile hi nhlokonho.

¹³³ Kutani Esaya u vileli ngopfu, swingaleswi u rhelerile etempeleni kutani a sungula ku—ku khongela, u ehleketile leswaku a nga rhelela a ya khongela nyana. Kutani sweswi, languta, munhu ya loye ari muprofeta; kambe ehansi etempeleni akuri na jaha, ri ri karhi ri rilela Xikwembu, siku rin’wana, kutani xivono xi wela emahlweni ka yena. Kutani loko a tava a swi endlile, u vonile Tintsumi, Tiserafim, na swikandza swa Tona leswi swi nga funengetiwa hi timpapa

ta Tona—ta Tona, na minkondzo ya Tona yi funengetiwile, kutani ti haha hi timpapa timbirhi. Nakona a Tiya endzhaku nale mahlweni, ehenhla nale hansi etempeleni, ti ri karhi ti huwelela leswaku, “Wa kwetsima, wa kwetsima, wa kwetsima Hosi Xikwembu xa Matimba hinkwawo.”

¹³⁴ Kutani Esaya, torha lero lerikulu leri ari na rona, nkarhi wun'wana u—u yisiwe exikolweni. Nkarhi wun'wana a—a nga hava a vile na dyondzo ya kahle. Ari na—na mavonele yo hlamarisa ya leswi Xikwembu xi fanelaka kuva xiswona. U—u yingiserile vaprista. U vile kona etempeleni. U kurisiwe leswaku a—a va mupfumeri, kambe, ma swi vona, a nge se tshama a ta a kongomana na Rona ekusunguleni. Wa vona? U—u vile na ku tsakela ka ku endla leswinene. U lavile kuva na ntiyiso, kambe ntsena ari na ku voyamela eka dyondzo. A ri na ku voyamela eka ntivo—vukhongeri eka Rona.

¹³⁵ Kambe loko a fika kwalahaya etempeleni siku lero, nakona u vonile Tiserafim leti ti ri karhi ti kawata timpapa ta tona endzhaku nale mahlweni, niku tekela enhlokweni leswaku Tintsumi leti ti ministara exikandzeni xa Xikwembu. Nakona Tintsumi ta Kona a ti kalanga ti tiva leswaku vudyoho i yini, kutani, ku yima eVukoneni bya Xikwembu, Ti fanele ku tifunengeta swikandza swa Tona swo kwetsima, ku yima eVukoneni bya Xikwembu. Kutani muprofeta yaloye u huwelerile a ku, “Yo mina, hikuva ndzi munhu wa milomo yo thyaka. Hinkwabyo ntivo—vukhongeri bya mina, ntivo—vukhongeri na leswi ndzi nga swi dyondza, hinkwawo mavonelo ya mina yo hlamarisa lawa ndzi nga na wona ya Xikwembu, ndzi kongomane na swona nghohe hi nghohe sweswi.” U teri, “Ndzi wa milomo yo thyaka, nakona ndzi tshama na vanhu va milomo ya thyaka.” Hinkwako ku dyondzisa ka vona ka milawu, na swilo leswi va nga swi endla, nakona a va kalanga va fika eka ndhawu yaleyo laha a nga fika eka Vukona bya Xikwembu, nakona u vonile Xikwembu hi mahlo lawa ya nga ya yena; na xifunengeto xa Xona, loko Xi tshamile eHenhla, eMatilweni. Kutani hi luya lahaya, ari nghohe hi nghohe na leswi swi hanyaka. Kutani a huwelela a ku, “Ndzi munhu wa milomo ya thyaka, nakona ndzi tshama na vanhu va milomo ya thyaka.”

¹³⁶ Kutani hiloko Tiserafim yi teka ritlawe, na kala ra Ndzilo leri ri humaka ealtareni, yi fika yi khumbha milomo yo thyaka. Kutani yi n'wi ncinca eka kuva toya, kumbe kusuka eka munhu loyi a dyondzekeke, mudyondzisi, kuya eka muprofeta loyi Rito ra Xikwembu ri nga ha vulavulaka hi yena. Hakunene, loko a hari eka Vukona bya Xikwembu, a Ri ri rin'wana ro hambana. Torha lero a ngava na rona, ari fikelele ndhawu yaleyo kwalaho, kufikela laha a tatiwaka hi Rona.

¹³⁷ Kutani u nge ndzi ku byela, munghana, a ndzi na mhaka ni leswaku u joyine tikereke tingani, i mavito yangani u

nga matsarisa, i ndlela yihi u nga yi famba, nakona hambi u haxiwile hi mati, u khuvuriwile, kumbe leswi u nga vaka xiswona; kufikela laha u hlanganaka na Munhu yaloye, a nga Yesu Kreste! Leswaku, walowo hi wona nchumu wuri woxe lowu wu nga enetisaka hakunene.

¹³⁸ Nyanyuko wu ngaka wu nga swi endli; u nga ha tlulela ehenhla nale hansi u ba huwa ntsena loko u swi lavisaka xisweswo, kumbe u nga ha tsutsuma-tsutsuma ehenhla nale hansi, nakona u nga ha vulavula hi tindzimi tani hilaha u swi lavisaka xiswona. Na swilo swa vona swa kwetsima swi tlhela swi va kahle. A ndzi vuli leswaku—a ndzi vuli nchumu swo lwisana na sweswo. Kambe kufikela laha u hlanganaka na Munhu yaloye, Xindhawana xexo xi enetisaka, lexi xi nga Swin'wana leswi swi tekaka xikampfu emirini wa wena; ku ngari hi nyanyuko, kambe hi ku enetiseka!

¹³⁹ A ndzi tolovele ku vona sayini leyintsongo, yi ku, “Loko uri na torha, u nge Parfay.” A swi toloveleke kuri kunwa nyana swintsongo, loko ndza hari jaha, a hi swivitana Parfay. Ndzi tsundzuka loko ndzi ta hi patu, oho, kusuka atihlampfini, a ndzi ri exidan'wanini, mati ya khale yo yima. Nakona torha ari ndzi khomele ro fa, kutani ndzi vonile sayini leyi yi nge, “Loko uri na torha, ntsena wo vula Parfay.” Ndzi sungule ku vula leswaku, “Parfay, Parfay.” A ndzi tshamela ro twa torha nkarhi hinkwawo. Kutani ndzi—ndzi...Wa vona, ndzi—ndzi—ndzi kumeka ndzi khomekile kufikela laha ndzi tsandzekaka ku tswutela marha, endzhaku nyana, a ndzi ri na—na torha swinene.

¹⁴⁰ Kunene, ma swi vona, sweswo swi ngaka swi nga swi endli. Kuhava leswi nga swi enetisaka. A ndzi na mhaka, u nga ha nwa ti “coke,” u nga ha nwa swin'wana na swin'wana leswi u swi lavaka, leswi swi nga nyanganyisiwa hi mamati lawa ya nga na khabono, na kuya emahlweni, kuhava lexi xi nga enetisaka torha lero tani hi lawa ya nga hola, xinambyana xo titimela xa mati. Lexi xi susaka torha lero. Leswin'wana hinkwaswo swo va swikhomelo.

¹⁴¹ Nakona hikokwalaho ka yini hi lava ku teka xo khomela, loko kuri na nkuvulo wa xiviri wa Moya lowo Kwetsima lowu wu enetisaka xikampfu xin'wana na xin'wana ni ku navela eka moya wa munhu? Ni ku yima exikandzeni xa rifu, tani hi Muapostola Paul wa kahle loko ate, “O rifu, ndzhombho wa wena wu le kwihi? Nakona, sirha, kuhlula ka wena kule kwihi? Kambe a ku khensiwi Xikwembu, Lexi xi hi nyikaka ku hlula hi Hosi ya hina Yesu Kreste!” Walowo i ntokoto, makwerhu, sweswo swi enetisa ku rhurisa kwaloko ko kwetsima ka... kumbe torha lero ro kwetsima ri nga endzeni ka wena. Ra ri enetisa. A wu fanelanga ku endla swin'wana ha rona. Ina, Ri basisa milomo.

¹⁴² Nakona kuna, nakambe, kova ntsena vanhu lava va hanyaka hi nyanyuko, ehenhleri ka . . . Vanhu van'wana vari, "Kunene, hi na votala vokotisa valava eka mpfhumbe ra hina ra Pentekostal." Nakona va ta nghena, laha swi nga kahle, va tava bela mavoko [Makwerhu Branham a phokotela mavoko ya yena—Muhleri.] ni ku tlanga vunanga. Loko vunanga byi yima, "sh, yhuu," bakiti ra mati ri ya emahlweni ni swin'wana, wa vona. Sweswi ha—ha swi endla sweswo, hi—hi nghene eka mahanyelo yo endla sweswo. Hi na, hi—hi . . . Ntsena swi hundzuka mintolovelovelo ya hina.

¹⁴³ Mi nge ndzi mi byela swin'wana. Loko mi ri eku gandzeleni ka Xikwembu, hi Moya na Ntiyiso, loko swi va *mintolovelovelo* eka n'wina ku swi endla, hikuva miehleketa leswaku mi *fanele* ku swi endla; hikuva miehleketa leswaku, loko mi nga huweleli, kumbe kutlula tlula, kumbe ku cina vunanga, makhelwani wa wena u ta ehleketa leswaku u wile; u nwa eka xinkombyana lexi xi nga na mati yo yima. Hi swona!

¹⁴⁴ Kufikela laha Ri tataka xikampfu xin'wana na xin'wana, kufikela laha Moya lowo Kwetsima wu endlaka ximbyari-mbyari wona hi Woxe endzeni ka wena; a ndzi na mhaka ni leswaku kuna vunanga lebyi byi tlangaka, hambu va tlanga *Kusuhi*, *Na Wena*, *Xikwembu*, kumbe ri ngava rihi, Moya lowo Kwetsima wa ha chaya tibeletleto kwetsima endzeni ka mbilu ya wena. Sweswo swa swi enetisa. Xexo i Xindhawani xa Xikwembu lexi xi enetisaka. Swin'wana ehandle ka Xexo, u fambile.

¹⁴⁵ U nga ha vulavula hi tindzimi to kotisa ta vanhu na Tinstumi, u nga ha nyika nhundzu ya wena hinkwayo ku phamela swisiwana, u nga ha profeta, nakona u nga hava na vutivi, u twisisa hinkwaswo swihundla na swilo leswi hinkwaswo, nakona hambu swi ri tano a wo va nchumu (Vakorinto vo Sungula 13) kufikela laha xexo Xin'wana xo enetisa xi nga ha susa torha.

¹⁴⁶ "Moya wa mina wu na torha ra Xikwembu lexi xi hanyaka, kukotisa mhunti ya ntswele loko yi rilela mati ya nambu. Handle kaloko ndzi nga Ya kumi, ndzi ta lova." Loko uri na ndlala ya Xikwembu hi ndlela yaleyo, swin'wana swi ta teka ndhawu. Moya lowo Kwetsima i kuva wu mi fambisa kuya eka swihlovo swa kahle swa Xikwembu. Ina, nkulukumba.

¹⁴⁷ Sweswi, kuna nchumu wa kahle, ku gandzela hi Moya. Walowo i ntiyiso. Nkarhi wun'wana u na Moya uri hava Ntiyiso. Mukwetsimi Yohana 4, yi teri, "Hi gandzela Xikwembu, hi Moya na Ntiyiso." Nakona Yesu i Ntiyiso. Sweswo hi swona. Nakona hi Yena Rito.

¹⁴⁸ Swinambyana Xikwembu xi swi rhumele ku ta mi enetisa, eka ntumbuluko, Sathana u pfundluse xin'wana na xin'wana xa swona. U cherile dopi ya chefu eka xin'wana na xin'wana lexi a nga nghenaka eka xona. Hi swona. U tekile xinambyana xexo xa kahle, xa kereke.

¹⁴⁹ Leswaku, yaleyo a yi ri ndlela ya Xikwembu. Yesu u teri, “Ehenhleni ka Ribye leri Ndzi ta aka Kereke ya Mina, nakona tinyangwa ta xivandla xa vafi ti ngaka ti nga Yi hluli.”

¹⁵⁰ Sweswo ku na ku phikizana ko hambana ha sweswo. Vanhu va Rhoma, Khatholiki yi ri, “U Yi akile ehenhleni ka Petro.” Wa vona, kutani loko sweswo swi ri swona, Petro u wile, eka masiku mantsongo. Swingaleswi, a Yi nga ri tano. Yi na ntiyiso wa leswaku a yi akiwanga ehenhla ka Petro, *Petra*, xiribyana. Nakona Maprotestant ya ri, leswaku, “U Yi akile ehenhleni ka yena hi Yexe, Yesu Krete.” Kungari leswaku swi hambanile, kambe ndza hambana na vona. A nga kalanga a Yi aka eka xin’wana.

¹⁵¹ U Yi akile ehenhleni ka nhlavutelo wa leswi Yena A nga xiswona. U teri, “U katekile, Simon, n’wana wa Yonas, a hi nyama na ngati swi nga hlavutela leswi eka wena, kambe i Tatana wa Mina loyi a nga eMatilweni a nga ku hlavutela swona.” Ku ngari hi vutivi! A wu Yi dyondzanga hi tibuku. A wu Yi dyondzanga hi ku joyina kereke. A wu Yi dyondzanga eka ku huwelela. U yi . . . Kambe Moya lowo Kwetsima wona hi Woxe wu tisile Munhu a nga Yesu Krete eka wena, kutani, “Ehenhleni ka Ribye leri Ndzi ta aka Kereke ya Mina, nakona tinyangwa ta xivandla xa vafi ti ngaka ti nga Yi hluli.” Torha lero ro kwetsima ri enerile eka Munhu loyi a nga Yesu Krete. Kwalaho mi nga kona. Walowo i nchumu lowu hi lavaka ku languta eka wona, enetisa torha lero hi Yona. Hi swona, hi kuma leswaku ha boheka.

¹⁵² Vutivi? Oho, mina! Vutivi i nchumu wa kahle, ha wu tata, nakona namuntlha hi tele hi byona. Kambe ma swi vona, vutivi . . . tani hilaha ndzi nga vula siku rin’wana, ndzi vulavula hi nhloko-mhaka ya leyo ya vutivi. A kuri na munhu loyi a yime ehandle, a vulavula na munghana wa mina loyi a nga yima lahaya, aku, “Loko munhu a nga pfumeli eka dyondzo, hikokwalaho ka yini a hlaya Bible?” Va . . .

¹⁵³ Ndzi ehleketa, “Kunene, loko va nga swi kumanga leswi Hosi Yesu a nga swivula, a va ta ri kuma njhani domu ro kotisa mina, eka leswi ndzi swi vulaka?” A va nga ta n’wi twisisa hambi kuri ku N’wi twisisa, ari erivaleni tani hilaha A ri xiswona.

¹⁵⁴ U vurile lahaya siku rin’wana, “Handle kaloko mi dya miri, Ngati, mi nwa Ngati niku dya miri wa N’wana wa munhu, a mi na Vutomi eka n’wina.” A nga kalanga a Ri hlamusela. U fambile a ya emahlweni. Hi swona. Wa vona?

¹⁵⁵ “Kunene,” va teri, “Munhu loyi i khema. Hi N’wi lava . . . leswaku hi dya miri wa Yena, hi nwa Ngati ya Yena. Hi Yena vhampaye. Wa vona, U hi lava leswaku hi va tivhemphaya.” Wa vona? Tona tintlharhi!

¹⁵⁶ Kambe U teri, “Tinyimpfu ta Mina ti tiva Rito ra Mina.” Wa vona, Ri ta eka Muhlawuriwa, Xikwembu xi hlawurile

hi vutivi lebyo rhanga. “Nakona lava Tatana...Kuhava munhu loyi a nga taka eka Mina handle kaloko Tatana a n’wi tshuneta. Nakona hinkwavo lava Tatana a nga Ndzi nyika vona, va ta ta, va Ri twisisa.”

¹⁵⁷ Vadyondzisiwa va kona a va nga Ri twisisi, kambe a va Ri pfumela. Wa vona? Hi swona. Loko mi Ri pfumela! A ndzinge twisisi swo tala. Ndza Ri pfumela, hi ndlela yin’wana, wa vona, hikuva Xikwembu xi Ri vurise xisweswo.

¹⁵⁸ Vutivi. Ma swi tiva, evhangelu ya Sathana i vutivi. A mi switiva sweswo xana? U yi chumayerile entangeni wa Edeni, eka Evha, nakona u xisiwile hi vutivi bya evhangelu. Sweswi, nakona u thyakisile rimbewu hinkwaro ra ximunhu, ha yona. Hi swona sweswo. Va tekile minongonoko ya dyondzo, va yi ngenisa ekerekeni. Vale handle hinkwavo ka vona *lahaya*, kambe ku ngari eka Rito ra Xikwembu. Ee, nkulukumba. A wu tiva Xikwembu hi dyondzo. A wu tiva Xikwembu hi—hi—hi ku tiva leswaku njhani, hi ku dyondza metse niku vula marito lamakulu kahle.

¹⁵⁹ Paul, ari munhu wo tlhariha. Kambe loko a ta eka Krete, niku amukela Moya lowo Kwetsima, a ya eka Vakorinto, u teri, “A ndzi tanga eka n’wina hi ku vulavula loku ku khorwisaka niku khorwisa ka vutlhari bya vanhu,” ni loko a ngava a swi endlile. A ku, “Kambe ndzi ta eka n’wina hi matimba niku vonakarisiwa ka Moya lowo Kwetsima, leswaku ripfumelo ra n’wina ri va eka Xikwembu, ku ngari eka vutlharhi bya munhu un’wana.”

¹⁶⁰ Nkarhi wun’wana hi endla minongonoko ya kereke, nakambe va vitana na—na vafundhisi va vona. Kereke yi ya yi ya vhota mufundhisi, va ku, “Kunene, mufundhisi loyi, sweswi, u na tidigri timbirhi tale kholeji. U dyondze malembe ya mune a dyondzela ntivo—miehleketi. U tekile *leswi, sweswo, swin’wana*.” Nakona va ta vhotela munhu wo kotisa yaloye (hikokwalaho ka yini?) ematshan’wini ya mufundhisi loyi a pfumelaka eka Rito ra Xikwembu leri ri nga hlohloteriwa ni kuva ri ri Xikwembu, ni kuva a chumayela Rito swi ngari na mhaka ni leswaku vanhu va titwa njhani ha Rona.

¹⁶¹ Xikwembu xi byerile Ezekiel, ma swi tiva, xi ku, “Swi chumayeli sweswo hambi va Ri pfumela kumbe va nga ri pfumeli. Wa Ri chumayela, hi ndlela yin’wana.” Wa vona? Hi swona. Hambi va Ri amukela, kumbe va nga ri amukeli, sweswo a hi swona. A va kalanga va n’wi amukela Yesu. U yile emahlweni, a Ri chumayela ku fana. Wa vona?

¹⁶² Ematshan’wini ya mufundhisi wa ntiyiso loyi a nga ta chumayela Rito hakunene niku pfumela eka Xikwembu, va—va—va ringeta ku ngenisa ntlha—ntlha ntlharhi, munhu loyi a nga na dyondzo yo antswa; munhu loyi a nga yima aphulphitini loyi a nga taka a nga hlweli kambe a yima

khume–ntlhanu wa timinetse, leswaku va ta hatla va fika ekaya, ni kuya (kun'wana) ku ya endla swin'wana, na Ricky a nga ha kuma nhonga yo hisa kutani a huma, nakona va nga haya emintlangwini va ya tisohasoha na swin'wana. Nakona i, oho, kova–kova ntsena kova–kova leswi ngariki nchumu handle ka nthyakiso wa dyondzo leyi yi nga hayibridiwa. Hi swona sweswo. Ntsena hi leswi swi nga xiswona. Hi swona. Kambe i yini? Swi enetisa ku nantswa ka vona, wa vona, swi enetisa ku nantswa ka xirho xa kereke ya misava.

A swi enetisi ku nantswa ka mukwetsimi. U ta teka Rito nkarhi hinkwawo!

¹⁶³ Kambe va ri, “Oho, kunene, vanhu va vona va hume nyana eka miehleketo ya vona.” Wa vona, ntsena a va swi endli, a va swikumi. Vona, va ringeta ku hanya eka siku leri ri nga hundza.

¹⁶⁴ A swi chavisi xana! Ndzi huma lahawani a Vupela–dyambu, nakona ndzi kume leswaku hinkwawo va ringeta ku hanya eka siku leri ri nga hundza, minkarhi hinkwayo va lava fexeni ya khale ya masiku ya makhawuboy. Kutani va ya eKentucky, fexeni ya khale ya xiganga xa bili, va lava kuva na maendlelo ya lawa, va va na minongonoko ya yona. Kambe loko swi ta eka fexeni ya khale ya Vukhongeri, a va lavi nchumu ha Rona.

¹⁶⁵ Masiku ya fexeni ya khale? Ndzi vuyile lahawani hi nkarhi wa nkombiso wa makhawuboy, ndzi vonile va ri na wansati lonkulu ehansi lahaya, na switolatolani sweswo swa wasi ehansi ka mahlo ya yena, na misisi yo koma leyi yi nga bobiwa, na sigarete enon'wini wa yena. Hikokwalaho ka yini, loko wa swi vonile sweswo endzhaku eka masiku ya khale, va nga hava va ha ehleketa leswaku u na swindomundomu kun'wana. Vona, va—va—va n'wi nghanisile. A ku ta humelela yini loko manana wa yena a lo huma, a ambale ku kotisa wena na leswi nhwana wa wena a ambarisaka xiswona namuntlha, a ku ta humelela yini? A va tava na yena eka ndhawu ya vavabyi va miehleketo. Hakunene, u hume a nga ambalanga xikete xa yena. Kunene, sweswi tsundzukani, swa ha fana namuntlha.

¹⁶⁶ Vanhu va bola enyameni ya vona. Loko va ya eka xiyimo xa le xikarhi, exikarhi ka makume mbirhi na makume mbirhi–ntlhanu wa malembe, tisele ta byongo bya vona ta bola na tona. A va na . . . Vanhu va tano kufikela laha va nga ha riki naku twisisa loku ku hetisekeke. A va switivi leswaku mikhuva leyinene swivula yini. A va tivi ku hambana exikarhi ka leswinene ni leswi swi nga hoxeka. Nakona, oho, hambi swi ri tano, nongonoko wa vona wa dyondzo, va . . .

¹⁶⁷ Xana ma swi tiva leswaku, dyondzo, ndzi nga ha mi khorwisa swona, leswaku i ya Javulosi? Ku ngari ku hlaya naku tsala; kambe, ndzi vula leswaku, ku nghanisa dyondzo ya vona ekerekeni ya n'wina.

¹⁶⁸ Xana vukhomonisis byi pavalarile kwihi? Sayense, dyondzo, sweswo swo va xikwembu xa vona. Sathana, wa vona, sweswo hi leswi a nga swi tivisa eka Evha. Sweswo hi leswi va ha khomeleleke eka swona na sweswi.

¹⁶⁹ Sweswi swi nghene eka tikereke ta hina, swi nghena eka ta Baptists, Methodists, na Presbyterian, Pentekostals, na hinkwato. Dyondzo yin'wana, vutlharhi, un'wana lonkulu wa *swingere-ngere* na swin'wana swo kotisa sweswo, sweswo ntsena swi n'wi hoxa ekule na Xikwembu. Swi hoxekile. Ina, nkulukumba. Sweswi, hi kuma leswaku, leswaku (vona) swi enerisa ku navela ka vona. Loko—loko ke—ke kereke yi nga vhotela swin'wana swo kotisa sweswo, swi ya swi ya kombisa leswi swi nga emiehleketweni ya kereke ya leyo, leswi va navelaka swona, leswi va nga na torha ra swona. Va lava ku vula leswaku, “Mufundhisi wa hina u anamile hi miehleketo. A nga na mhaka niku hlanganana ka hina ka ku hlambela kun'we, kutani u famba na hina.”

¹⁷⁰ Xinhwenyetana xi byerile Sarah wamina, siku rin'wana. Mufundhisi wa yena a yile eAfrika; kutani loko a vuya, xi hluvurile swiambalo swa xona, vusiku byebyo, na pherhe ya swo manya xi nga yi ambala, kutani xi n'wi cinela watusi, kuva xi n'wi tsakisa hikuva a huma eAfrika. Watusi i rixaka leri ri nga kwalahaya, ma swi tiva. Jaha, ndzi tsakela ku vona un'we wa vanhwana wa mina, eka nhlengeletano ya mina, a ringeta ku endla swo kotisa sweswo, watusi?

¹⁷¹ Wa vona, swi ya exowini! Kutani mufundhisi u ta tshama a languta yin'wana ya tinhlengeletano ta yena, swintsongo (swa khume ntsevu kumbe khume nhungu wa malembe hi vukhale) nhwana loyi ari ehandle u vuye a hluvula hi ndlela ya leyo, kutani a n'wi pfumelela ku tiseketela hi swona, sweswo swi kombisa leswaku u huma eka xidziva xa mati yo yima ya thyaka, yena hi yeXe, munhu wa Xikwembu a endla nchumu wo kotisa walowo. Hakunene.

¹⁷² Sweswo swi twakala swi twala, kambe ndzi swi tekela enhlokweni leswaku ndzi le ku chumayeleleni ka tiko, na rona. Kambe ma swi tiva leswi na swona, buti, sesi, mi nge ndzi mi byela, walowo i Ntiyiso.

¹⁷³ Makoti ya lava swilo swo fa. Hi swona. Nakona leswi swi nga fa! Hi swona. Swi swi kombisa erivaleni, ntsena swikombeta erivaleni lahawani laha nhloko ya vona na xihondzo lexi xi lawulaka, lexi xi va nyikaka, wa vona, leswi swi nga emimoyeni ya vona. Mimoya ya vona a yi langutele swilo swo kotisa sweswo.

¹⁷⁴ Mimoya ya vona yi naverile kereke ya tintlharhi ya le henhla, laha vanhu va ambalaka kahle, nakona mufundhisi a teka khume ntlhanu wa timinetse, kumbe makume mbirhi. Loko u hundza eka teto, va n'wi yisa eka bodo ya madiyakoni. Nakona

a nga fanelanga ku vula nchumu ha vudyoho. A nga fanelanga ku vula nchumu hi ku ambala swo koma, nakona a ngaka a nga vuli nchumu hi vanhu lava va endlaka *leswi*, *sweswo*, kumbe *swin'wana*. A nga fanelanga niku swivula sweswo. Loko a swivula, bodo yi ta n'wi hlongola. Ma swi vona leswaku swi njhani? Sweswo i ku ehleketa hi filthara ya munhu.

¹⁷⁵ Bibeletse yi teri, eka Yohana wo Sungula 2:15, “Loko mi rhandza mafambiselo lawa ya misava, kumbe swilo swa misava leyi, swi hikokwalaho ka kuva rirhandzu ra Xikwembu ri ngari kona eka n'wina.”

¹⁷⁶ Seni leswi swi ya ka emahlweni hinkwaswo leswi va swi endlaka namuntlha, hi vito ra kereke; va titoloveta ncino wa xikwere ekerekeni, bankho, bingo, mavandla, tindzumulo ta “rock-and-roll,” ku tiso-ha-soha, hinkwavo maendlelo lawa! Langutani eka Elvis Presley loyi, dimona leri ri nga yima hi tintanghu! Pat Boone, Ricky Nelson, xikweleti lexikulu lexi tiko leri ri nga nghena eka xona! Hi swona sweswo. Va ri, “Oho, va khongela, va yimbelela tinsimu ta Vakreste.” A va nga fanelanga. Ke—ke kereke a yi nga fanelanga yi pfumelela swilo swo kotisa sweswo! Van'wana va vanhu lava va huma lahawani, kutani—kutani vusiku lebyi vale le—le thavheneni leyi nga lahawani, va ri karhi va cina niku tlanga vunanga na hinkwaswo, kutani hi vusiku lebyi byi landzelaka va ta ealtareni va ta rila, kutani vusiku lebyi landzelaka va le ku chayeni ka vunanga eka platifomo. Oho, khombo ra kona, tintswalo! Swi ngava njhani leswaku thyaka, swi nga endlisa ku yini leswaku thyaka ri famba, hi ndlela yin'wana? Ina, nkulukumba. A tikhorwisi kusungula leswaku i munhu wa Xikwembu, ku ngari leswaku maendlelo lawa hinkwawo ntsena hikuva u kota ku ba katara ya khale kumbe swin'wana.

¹⁷⁷ Hi ku navela ka n'wina, mi nga ha vula loyi a nga exilovelweni xa mbilu ya n'wina. Hi leswi mi swi rhandzaka, sweswo hi leswi swi swivulaka. N'wina, mi ri, “Kunene, ndzi ehleketa leswaku swilo swa vona swikahle, Makwerhu Branham.” Kunene, ntsena tsundzukani sweswi, embilwini ya n'wina, u tiva leswi swi nga kwalahaya. Ina, nkulukumba. Hi leswi swi phamelaka moya wa n'wina, leswi moya wa n'wina wu nga na torha ra swona, nakona mi nga ha swivona leswaku swa swi enetisa; loko leri ri nga ri Rito, kutani kuna swin'wana swo hoxeka, hikuva Moya lowo Kwetsima wu hanya eRitweni ntsena. Wa vona?

¹⁷⁸ Ndzi mi lava leswaku mi vona khombo rin'wana, ntsena loko hi nga se pfala, loko u ngari na—loko u ngari na nandzu wa xin'wana xa swilo leswi leswi ndzi nga swivula, nakona, laha ku nga, khombo ro hunisa torha. Wa vona? Mi ri, “Ndzi na torha ro kwetsima. Kambe a—a ndzi na nandzu, Makwerhu Branham, wa kuva ndzi tifambela ndzi ya joyina kereke, na swin'wana swokotisa sweswo.” Kambe, wa vona, ku hunisa

torha! Loko u hunisa ku enerisa torha ra mati kumbe swakudya, u ta fa. Nakona loko u hunisa torha lero ri nga eka wena, ra Xikwembu, u ta fa eximoyeni.

¹⁷⁹ U vitana mpfuxelelo, u yimela kereke leswaku u va na mpfuxelelo. Kunene, walowo a hi—a hi mpfuxelelo wa wena. Mpfuxelelo wu fanele ku sungula endzeni ka wena, loko u sungula kuva na torha ra Xikwembu. A ku tava kuri hava xirho xin'wana, xa kereke, xi lavaka mpfuxelelo walowo. Loko swi humelela endzeni ka wena, wu ta humelela nale ka tindhawu tin'wana. Wa vona? Kambe, wa vona, u hunisa torha lero.

¹⁸⁰ U hunisa ku senga homu, loko homu yi . . . vele ri gagile hi masi; nakona loko u tshika homu ya leyo hi ndlela ya leyo, yi ta famba yi omile. Hi swona sweswo. Loko u hunisa ku nwa mati, i ku, “Ntsena a ndzi nge he nwi nakambe,” u ta fa. U hunisa ku dya swakudya, u ta famba.

¹⁸¹ Swingaleswi loko u hunisa ku nyika Moya lowo Kwetsima Rito ra Xikwembu, u ta fa.

¹⁸² N'wina Makreste, n'wina Mabaptist, Methodists, Presbyterians, Pentekostals, Assemblies of God, Oneness, Twoness, Threeness, hambi u ngava wa yihi, wa vona; a ndzi na mhaka, sweswo a swikali swivula nchumu eka mina, a ndzi pfumeli leswaku swi nchumu nale ka Xikwembu. Wa vona, wo va u ri wexe, u un'we. A mi nge pfuki mi ya eTilweni tani hi kereke, kumbe mi ri di—di dinominexini. U taya eTilweni hi munhu ari un'we, exikarhi ka wena na Xikwembu. Hi swona. A ndzi na mhaka ni leswaku u nghena kereke yihi.

¹⁸³ Nakona loko u hunisa ku hlanya Bibele ni ku yi pfumela Bibele, na Moya lowo Kwetsima ku phamela eka Sweswo, u ta fa. Yesu u teri eka Mukwetsimi Yohana 4:3; Matsalwa lawa ndzi nga na wona sweswi . . . Yesu u teri leswaku, “Munhu a ngaka a nga hanyi hi vuswa ntsena, kambe hi Rito rin'wana na rin'wana,” kungari ntsena xiphemu xa Rona.

¹⁸⁴ Hi teka swintsongo, swintsongo nyana *lahawani*. Sweswo ndzi swi vula ku govha Bibele. Va ri, “Kunene, ndzi pfumela *Leswi*, kambe sweswi a hi yi *lahawani*, wa vona.” Wa vona?

¹⁸⁵ Mi fanele ku Ri teka, Rito hi Rito. Yesu u teri, “Munhu u ta hanya hi Rito rin'wana na rin'wana leri ri humaka enon'wini wa Xikwembu.” A mi swi tiva sweswo xana? [Nhlengeletano yi ku, “Amen.”—Muhleri.]

¹⁸⁶ Nakona, ma swi tiva, hi endlile—hi endlile siku leri hi hanyaka eka rona, hi—hi endlile siku leri . . . ri—ri—ri va ra ku encenyeta ka vukhongeri.

¹⁸⁷ Nhwana wa mina u ndzi vitanile, ku ngari khale ngopfu, a ku eka mina, “Papa,” eka tlhelo lerin'wana ra yindlu, a ku, “tana haleno, hi tava na nongonoko wa vukhongeri lowu wu nga taya emahlweni.” A wuri wo yimbelela, ku yimbelela ka

tinsimu, nakona akuri na Ricky nyana loyi a ti hlanya nyana kwalahaya. Kutani loko ndzi tshame ndzi vona mpfumba ro sandza, akuri rero! Vanhu va vona kwalahaya, na vanhu, a valanguteka swinene tani hi nkombiso wa le hansi. Laha a ku fanele kuri rixaka ra Makula, nakona avaya emahlweni, kutani—kutani va tlulela ehenhla niku tlhela va banana hi xivona.

¹⁸⁸ Laha, i yini lexi xi nga famba na ku tshembheka, tikwihi tinsimu leti ta fexeni ya khale leti a hi tolovele ku ti yimbelela, niku tsaka eMoyeni wa Xikwembu, na mihloti leyi a yi xiririka emarhameni ya hina? Nakona sweswi hi ringeta ku ti khoma ku hefemula ka hina kufikela laha hi vaka na ku hefemula ka le ndzeni, kufikela laha swikandza swa hina swi hundzuka swa wasi, ku ringeta ku kombisa leswaku hi van'wana lava nga swiyimbeleri. Wa vona, hi swikopele eka Hollywood, na hinkwayo minongonoko leyi hi yi vonaka eka vuyimbeleri bya vutlharhi bya tinsimu niku letela tivhoyisi. Ndza—ndza swi tsakela ku yingisela vuyimbeleri bya kahle; ndzi tsakela ku yingisela fexeni ya khale ya kahle, leyi yi khumbhaka mbilu, ku yimbelela ka ximoya. Kambe hakunene ndza swi venga ku yingisela ku nkenkela kwaloko leswi va swi vitanaka vuyimbeleri, namuntlha. Hi swona. Ndzi ehleketa leswaku i nchumu wun'wana wo hlekisa swinene. I ku encenyeta. Hi swona.

¹⁸⁹ Ndzi tsakela ku vona wanuna loko ari wanuna. Ndza venga ku vona un'wana a ambarile xo rhangisa xa nsati wa yena lahawani, a rhetemukela etlhelo; na—na rolara yi ri karhi yi nembelela ehansi lahawani emahlweni, na mintikiso yimbirhi ya misisi yi ye ehansi ku kotisa tibangs, ti nga kerhiwa emahlweni. Leswaku, ndzi—ndzi ngaka ndzi nga n'wi vitani wanuna yaloye. A nga switivi leswaku u wela kwihi hi tlhelo ra rimbewu. Wa vona? Hi swona. Loko mi vona wansati, langutani, wansati u ringeta ku ti kerha, a endla misisi ya yena ku kotisa ya wanuna; wanuna u ringeta ku endla misisi ya yena, tibangs, kukotisa wansati. Wanuna u ambale swo rhangisa swa nsati wa yena; wansati u ambala tihovholoro ta wanuna. Wa vona, ntsena ku encenyeta, hinkwako.

¹⁹⁰ Nakona sweswo swa ha fana na tiko, na vanhu, na tikereke, na hinkwaswo. O Xikwembu! Ya le kwihi makumu ya nchumu? Ku Vuya ka Hosi Yesu Krete, ya lawa ya tava yari makumu ya swona.

¹⁹¹ Swingaleswi, loko u hunisa ku phamela Moya lowo Kwetsima Rito ra Xikwembu! Yesu u teri, “Rito rin'wana na rin'wana ri fanele kuva hi Moya lowo Kwetsima.” Kutani yingiselani sweswi. Loko u ringeta ku Ri phamela swo hoxeka, loko ri Ri Moya lowo Kwetsima wa xiviri eka wena, Ri ta tiva ku hambana. Sweswi, tsundzukani, Rito ra Xikwembu

hi leswi Moya lowo Kwetsima wu phameriwaka kona. A Wu phameriwi eka vuhiseki. A Wu phameriwi eka dyondzo. A Wu kali wu phameriwa hi kuya ekerekeni. A Wu kali wu phameriwa eka ntivo-vukhongereri. Kuna ku hambana swinene exikarhi ka swin'wana leswi swi nga hlohloteriwa na ku yima hi ntivo-vukhongereri bya swona.

¹⁹² Nakona va ntivo-vukhongereri lava emasikwini ya Yesu, mina, a vari na rito hi rito, pheji hi pheji, hinkwayo yi pfuriwile, Mesiya u fanele ku ta hi ndlela *leyi*! Sweswo hi swona leswi a swi ri xiswona. Kutani vona, un'wana na un'wana, u swi hupile. Ma swi tiva leswi Yesu a nga swivula loko A ta, a ku, "Mi va tatana wa n'wina Javulosi, mi endla na mintirho ya yena."

¹⁹³ Ari nga paluxiwanga eka vona leswi Rito ra ntiyiso ri nga xiswona. Wa vona, va hupile tikhona nyana leti, tani hiloko va ha tihupa na namuntlha. "Loko u nga nghena eka *leyi* u nghena eka *leyi*, u tava kahle." Mi nga swi pfumeli sweswo. Mi fanele kuva wa Krete. Kutani loko kuri na Swin'wana eka wena, u ri na ndlala ya Krete!

¹⁹⁴ Ntsena tsundzukani, loko ma ha ri eswisutini swa tatana wa n'wina, a mi ri na yena kwalaho. Kambe tatana wa n'wina a nga switivi kwalaho, nakona a mi nga n'wi tivi tatana wa n'wina. Nakona mi fanele ku ta mi ta tswariwa. Xikwembu xi endlile ndlela ha manana wa n'wina, hi—hi mbewu ya bedede, kutani yi ta. Kutani u va wanuna kumbe wansati, hambi leswi swi nga vaka swona, kutani mi lemukile tatana wa n'wina, nakona tatana wa n'wina a nga hava na xinakulobye na n'wina.

¹⁹⁵ Sweswi, tsundzukani, loko mi ri na Vutomi lebyi nga Heriki, Vutomi bya n'wina a byi ri eka Xikwembu emasunguleni. Kutani, Vutomi, Xikwembu i Rito. Nakona loko Rito ri tava ri endlile nyama eka Yesu Krete, Xikwembu xi xikela ehansi xi ta tshama eka miri lowu wu nga wa Xona N'winyi, xi ti endla xona hi Xoxe N'wana wa Xikwembu. Loko Xikwembu xi xikela ehansi ku ta tshama eka yena, a mi ri eka Yena loko A vambiwa. Nakona mi vambiwi na Yena, nakona mi fe na Yena eXihambanweni. Mi lahliwe na Yena, entshaveni. Nakona mi pfuke na Yena, hi mixo wa Paseka. Kutani sweswi mi tshamile kun'we etindhawini tale Matilweni, eka Yena, nakona sweswi mi na xinakulobye na Yena. Wa vona?

¹⁹⁶ Xikwembu hi Xoxe xi va un'wana wa hina. "Kuhava munhu loyi a nga vona Tatana, hi nkarhi wun'wana na wun'wana, (N'wana) loyi a nga tswariwa ari Swakwe Tatana u N'wi hlambanyile." Sweswo i ku, Xikwembu xi va Munhu, leswaku Xi nga hava na xinakulobye na munhu. Wa vona? Kutani sweswi mi—mi nyama, nakona U nyama. Xikwembu

xi tiendle nyama exikarhini ka hina, eka Munhu wa N'wana wa Xona, Yesu Kreste. Nakona eka Yena akuri na Xikwembu. A ri Xikwembu, kuhava swintsongo swa Xikwembu. A ri Xikwembu. "Xikwembu xi ti vonakarisile eka N'wana, Yesu Kreste," lexi xi nga N'wi endla *Emmanuel*, tani hilaha muprofeta a nga vula leswaku U tava ari tano.

¹⁹⁷ Sweswi ma vona, kutani, mi fanele kuva kona misava yi nga se sungula yi nga se vumbiwa, vito ra n'wina ari vekiwile eBukwini ya Vutomi ya Xinyimpfana. Nakona u nga dya yini? Moya lowo Kwetsima wu hanya hi Rito ra Xikwembu. Kutani sweswi eka Nhlabutelo 22:19, Bibeke yi teri, "Loyi a nga ta hunguta Rito rin'we eka *Leyi*, kumbe ku engetela rito rin'we eka Rona, xiphemu xa yena xi ta susiwa eBukwini ya Vutomi." Ma swi vona leswaku swi ente njhani? Mi ngaka mi nga swikoti, Moya lowo Kwetsima wu ngaka wu nga hanyi eka swilo swa misava.

¹⁹⁸ Kukotisa xinyenyana xa tuva na vukuvuku. Vukuvuku i mutikukumuxi lonkulu. Vukuvuku, nakulorhi ya loye a nga ha huma lahawani a dya koroni siku hinkwaro; ri tlhela ri ya lahaya ri hahela eka leswi nga fa, ntsumbu wa khale lowu wu nga fa, ri tlhela ri yi dya na wona. A nga ha tshama ensin'wini nakona a nga ha dya na tuva, koroni, ri tlhela ri ya dya mintsumbu leyi yi nga fa.

¹⁹⁹ Kambe tuva ri nga ha dya koroni siku hinkwaro, kambe ri ngaka ri nga dyi mintsumbu leyi yi nga fa, hikuva hi rona tuva. Nakona tuva ri hava nyongwa. Ku luma kan'we ntsena eka ntsumbu walowo wu nga fa, swi ta ri dlaya tuva. Wa vona, a ri na nyongwa. Kutani yaleyo hi yona ndlela leyi yi nga xiswona, a kuna ku bava.

²⁰⁰ Yaleyo hi yona ndlela na loyi a nga wa xiviri, Mukreste wa xidzi. A va swilavi swilo swa misava. Ntsena va dya Rito ra Xikwembu, nakona Rona ntsena; leri nga basa, ku ehleketa hi Filthara ya munhu. Wa vona, va ta ha Sweswo, nakona Sweswo ntsena. Swilo leswi swi nga fa swa misava, swa nuhwa eka vona.

²⁰¹ Languta vukuvuku ra khale hi masiku ya ku hlasela ka ndhambhi, ri hahela kusuka eka ntsumbu kuya eka ntsumbu wun'wana, ri ri karhi ri dya mintsumbu ya khale yo fa, a nga ha vuyanga engalaveni. Kambe tuva ari kumanga laha ri nga ta wisisa minkondzo ya rona kona, wa vona, ri tlheli ri vuyela engalaveni laha ari kuma tindoho kona. Nakona ya leyo hi yona ndlela leyi hi yi endlaka, hi hanya hi Rito ra Xikwembu.

²⁰² Eka Pisalema 42. Davida a nga hava a tsarile Pisalema leyi, Pisalema 42, loko a hari mubaleki, loko a teri, "Ndzi na torha ra Wena, tani hilaha ntswele ya mhunti yi rilelaka milambu." Langutani, u ririle. Davida ari mubaleki. Ari . . . Ari na mafurha ya ntoto eka yena, a switiva leswaku u tava hosi.

Muprofeta u n'wi totile kuva hosi. Sweswi lemukani, nakona hi luya lahaya, ari na ntlawa wuntsongo wa masocha, va nga endliwa vari Vamatiko, na kuya emahlweni, ari ehenhla ka ntshava. Laha, ri nga doroba leri ri nga ra yena ari rhandzaka, hikwalaho ka vudyoho bya vona, a vari vuthu-ekhokholweni lava a va rhenderile na Vafilista. Kutani Davida, hi siku lero ro hisa, swi nga ha endleka kuri loko a ta tsala Pisalema leyi, "Hilaha ntswele ya mhunti yi rilelaka mati ya milambu."

²⁰³ Lemukani Davida eka xiyimo lexi. U langutile ehansi, u langutile eka doroba leri ari ri rhandza. Nakona u tsundzukile loko a hari xijahetana, a tolovele ku teka tinyimpfu a tiyisa exidziveni lahaya. A ri ri lerikulu, tiko lerikulu ra mati, nakambe tiko ra xinkwa, kwalahaya. Hakunene, *Bethlehem*, swivula "yindlu ya Xinkwa xa Xikwembu." Kutani loko Davida a tsundzuka ku ta hi kwalahaya ni ku nwa mati yalawa yo hola, nakona lahawani a pavalarile lahawani sweswi, a ri mubaleki, a va ekule na vanhu va yena. Ari hava laha a nga yaka kona, nakona moya wa yena wu nga hava wu rilele mati ya lawa ya kahle yo hola.

²⁰⁴ A ri ni van'wana va malandza ya yena lava, mina, ntsena ku navela ka yena lokuntsongo a kuri ku lerisa. Nakona vona, vanharhu va vona, va lwile ndlela ya vona eka ntila walowo wa Vafilista; timayile ta khume ntlhanu, timayili ta nkombo, kumbe swin'wana, ehansi nale ndzhaku; va tsema ndlela ya vona, nikuva va n'wi tisela mati ya lawa kuta nwa. Kambe moya lowu nga na torha . . .

²⁰⁵ Miri wa yena, ari kwalahaya, nkarhi wun'wana a ta nwa eka xin'wana na xin'wana lexi a nga xikhomaka, madzovo yan'wana ya timbuti ya khale na swin'wana, leswi nga na mati yo hisa endzeni, hi siku lero ro hisa. U ehleketile leswaku, "Loko ntsena ndzi nga pavalala ehansi ni tima torha leri a ndzi ri na rona! Loko ntsena ndzi nga ya ehansi lahaya eBethlehem kutani ni pavalala ehansi etlhelu ka xihlovo xexo, ni nwa!"

²⁰⁶ Nakona loko va ta rhelela va ya ka mati, va ma tisa, torha ra yena ra moya a ri ri lerikulu, ku ngari ra Bethlehem, kambe kusuka eYerusalem; moya wa yena a wuri tano. Swingaleswi u xavelerile hi mati, a ku, "Ndzi ngaka ndzi nga manwi hambu kuri ku manwa." U ma cherile ehansi. Wa vona, moya wa yena a wuri na torha lerikulu ra Xikwembu, kutlula loko kuri ku enetisa ka ku tima ka kahle ka . . . torha ra yena ra miri wa yena, hi mati ya kahle yo hola. U ma cherile ehansi.

²⁰⁷ Wa vona, Yindlu ya Xikwembu, mamati lawa ya horisaka moya ya Yerusalem, lawa ya nga ya le henhla! Yesu u teri, eka Yohana 6:33, "Hi Mina, Vuswa bya Vutomi. Ndzi Vuswa bya Vutomi." *Bethlehem*, "yindlu ya Xikwembu," kereke ya hina, kereke ya le misaveni ya Xikwembu, kereke leyi yi nga lahawani emisaveni. Hi rhandza ku ya ekerekeni lahawani

emisaveni, kambe leyikulu i Yerusalema, leyi yi nga ehenhla, leyi nga Xikwembu. Yerusakema leyi nga ehenhla, leyi yi nga Xikwembu! Lonkulu hi loyi a nga na torha ra moya, ra kuva lahaya na Yena, kutlula loko kuri ku tienetisa ntsena hi ku joyina kereke kun'wana. Wa vona, ku joyina kereke a swi ri susi torha rero. Davida wa swikhorwisa lahawani, mamati lawa ya humaka endlwini ya Xikwembu, wa vona, u ma halatele ehansi; leswaku a rhandziwa, leswaku a kuma kunwa loku ku holeke ko huma eka Xikwembu. Hambi kuri eka... Kutlula torha leri ri nga eka wena, i torha lero ra moya ri nga torha ra Xikwembu.

²⁰⁸ Lemukani Yerusalema, ku nga rito. "Yerusalema ri huma ehenhla," Bibe le yi teri, "laha ku nga...ri Manana wa hina hinkwerhu." Nakona Krete i Manana wa hina. Hi swi lemukile sweswo leswaku Xikwembu i Manana wa hina, hikuva hi tswariwile hi Xona. Rito hi ku olova ri vula "ku rhula," Yerusalema, *Shalom*. Kumbe, *Shalom*, laha swivulaka "ku rhula," Yeru-shalom, wa vona, swivula "ku rhula."

²⁰⁹ Lonkulu ku fanele kuva torha ra moya wun'wana na wun'wana, ra mamati ya Vutomi, kutlula ku vula leswaku u nghena kereke; torha ra moya ri ngaka ri nga enetisiwi, torha ra ntiyiso ra xidzi. Ri nga ha encenyetiwa. U nga ha *ehleketa* leswaku u kahle loko u joyina kereke, kambe lero a hi Rona. Sweswo swi ngaka swi nga temuli torha ra xiviri ro kwetsima ra Xikwembu. Ntsena ri ngaka ri nga swi endli. Ntsena a ri... Ntsena a ri kona lahaya.

²¹⁰ Sweswi Davida u teri, eka Pisalema 42:7 lahawani, "Loko xidziva xi vitana Xidziva xin'wana, hi mpfumawulo wa maboboma ya Wena," ku vitaniwa ka moya.

²¹¹ Langutani, ndzi tolovele ku tirhisa leswi tani hi xikombiso. Loko kuri na xipapila enhlanini wa nhlampfi, xi fanele ku vekiwa kwalahaya eka yena a ta hlambela hi xona. U na xilaveko xa xexo. Sweswi ku nga humelela yini loko a ngaku, "Ndzi tava nhlampfi leyi yi hambaneke. Ndzi tava na vutlharhi, nhlampfi leyi yi nga dyondzeka. Aha, ntsena ndzi—ndzi ta...Ndzi ta pfumela un'wana wa ntivo—vukhongerwa na ntiyiso! Ndzi pfumela leswaku a ndzi fanelanga ndzi va na xipapila xexo"? A ngaka a ngayi kule ematini, a ngaya xana? Nakona sweswo hi swona.

²¹² Ku nga humelela yini loko nsinya wu ku, "Sweswi, ndza switiva ku fanele ku va na misava kusungula, ya mina leswaku ndzi ta kulela kona. Hi swona sweswo. Ndzi fanele ku kulela emisaveni. Kambe ndzi tava nsinya lowu wu hambaneke, ndzi yi lava leswaku yi ndzi veka exikarhi ka xitarata lahawani, leswaku ndzi ta tekeriwela enhlokweni"? Wa vona, a ngaka a nga hanyi nkarhi wo leha. Wa vona? Hi swona sweswo.

²¹³ “Loko xidziva xi vitana Xidziva xin’wana.” Swi teka kutlula kujoyina kereke. Swi teka kutlula ku tlhavulana mavoko na muchumayeri. Swi teka kutlula ku hanya kahle, vutomi lebyi nga kahle. Swi teka swin’wana kuenetisa endzeni ka n’wina, loku ku chelaka kusuka eka Xikwembu, ku ya eka moya. “Xidziva xi vitana Xidziva xin’wana, hi mpfumawulo wa maboboma ya Wena, O Hosi. Xidziva xi vitana Xidziva xin’wana!”

²¹⁴ I muxaka wihi wa torha lowu hi nga ehleketaka leswaku ku le ndzeni ka hina vusiku lebyi? Hina, tani hi vanhu va Pentekostal, xana hi kongome kwihi? I muxaka wihi wa torha wu nga eka hina? I muxaka wihi wa torha lowu wu nga eka mina? I muxaka wihi wa torha lowu wu nga eka n’wina? U nga ringeti ku miyeta torha lero ro kwetsima ra Xikwembu.

²¹⁵ Malembe lawa ya nga hundza, loko va ha toloverile kuva na nsuku lahawani etintshaveni. Ndzi hlayile xitorhi, malembe yo tala lawa ya nga hundza, minkarhi hinkwayo a swi tshama eka mina. Swi teri akuri na—na mukamberi loyi a ngaya kun’wana lahawani endzhaku ka tintshava lahawani, nakona ari eku kambeleni ka nsuku, nakona u bile ku koxa ka rifumo. Kutani a tlhela a vuya, ari karhi a ehleketa; loko a nghena adorobeni, u tava ari wa njhani, makhombo ya yena hinkwawo a ya herile. Nakona—nakona u—u ringetile ku—ku vula leswaku, “Mundzuku ndzi ta nghena nakona ndzi ta...” Ntsena rendzo rin’we ra siku, u tava ari edorobeni, nakona u tava na nsuku. Nakona ari na masaka yo tala ya wona.

²¹⁶ Ari na mbyana leyi ari na yona. Ku ngari ku pimanisa mbyana na Moya lowo Kwetsima sweswi, kambe tani hilaha ndzi endlaka xikombiso. Kambe mbyana leyi...

²¹⁷ Na vusiku, mukamberi u pavalarile emubedweni wa yena, kutani—kutani a sungula ku ehleketa, “Sweswi, mundzuku ndzi—ndzi ta teka nsuku wa mina ndzi wu nghenisa, nakona ndzi tava loyi a ndzi lava kuva yena. A ndzi—ndzi—ndzi lava kuva xifumi. A ndzi—ndzi lava ku fuma swilo swa kahle, na kuya emahlweni.”

²¹⁸ Hiloko—hiloko mbyana leyi yi sungula ku vukula, hikuva lahaya akuri na nala loyi a tshunela. Nakona u—u yile ehandle lahaya, kutani a ku, “Miyela!” Kutani hiloko mbyana yi miyela. Nakona a nga ha swikotanga ku tlhelela emubedweni, u sungule tani hiloko a ya eku etleleni, nakona mbyana yi sungula nakambe, ntsena yi tlula—tlula enketanini. Nakona u tlhelele erivantini nakambe, a ku, “Mi yela! Ndzi lava leswaku u switiva leswaku mundzuku ndzi xifumi, wa vona,” nakona ya leyo a yi ri milorho leyikulu ya yena. Kambe mbyana yi sungula ku vukula nakambe.

²¹⁹ Kutani ekuheteleleni, u kumeke a hela matimba, u yile a ya teka xibalesa xa yena xa “shotgun” a balesela mbyana, kutani

a yi dlaya. A ku, “A ndza ha ri na ntirho na wena, hi ndlela yin’wana. Mundzuku ndzi munhu loyi a nga fuma. Ndzi tava munhu loyi a nga fuma, mundzuku.”

²²⁰ Kutani a veke xibalesa a khoneni, a hundzuluxela nhlanga wa yena enyangweni, a ya eku etleleni. Nakona akuri na wanuna loyi a n’wi sala hi le ndzhaku, kuringana masiku, a rhetemukela endzeni a fika a n’wi dlaya. A nga ha vanga xifumi, wa vona, u yimisile xitshinyo xexo a xi n’wi baza lexi a xi ringeta ku n’wi byela hi vutomi bya yena byi nga ekhombiyeni.

²²¹ Kutani, buti, sesi, a wu nge swikoti ku. . . U nga ringeti ku miyeta ku vitana kwaloko ko kwetsima embilwini ya wena, wa vona, hi ku joyina kereke, hi ku phata mikhuva, hi ku nghena eka vandla rin’wana.

²²² Kuna nchumu wun’we ntsena lowu wu nga swi enetisaka, yaloye i Munhu, Yesu Krete. “Hilaha ntswele ya mhunti yi rilelaka mati ya milambu, moya wa mina wu Ku naverisa sweswo, Wena Xikwembu. Moya wa mina wu na torha ra Xikwembu lexi xi hanyaka!” Wa vona, kuna swin’wana endzeni ka n’wina, leswi swi lavaka ku vona ku famba-famba ka Xikwembu. Moya wa wena wu na torha ra Wona. U nga yimisi nchumu swintsongo swa Sweswo.

²²³ Mi nga pfumeleli mufundhisi un’wana a mi byela leswaku, “Ntsena mi fanele ku tlhavula voko ra yena, u joyina kereke, kumbe u nghena eka nhlangano *lowu*.” U nga dlayi ku miyeta kwaloko loku ko kwetsima. Ka mi tshinya. Siku rin’wana ku tata loko u ta fika emakun’wini ya patu.

²²⁴ Tani hi wanhwana lontsongo edorobeni leri hi humaka eka rona. U byerile. . . Xinhwenyetana xi yile ehenhla lahaya ekerekeni, nakona xinhwenyetana xa kahle swinene. Nakona a xi ri ku teni hi xitarata. Ari na misisi yo leha, ma swi tiva, nakona misisi ya yena a yi kameriwe endzhaku tani hi ku rhetela ka nyala leyi yi nga vandliwa, nyana, nakona xikandza xa yena xi languteke. . . xi ri hava switola-tolani. Nakona nhwana loyi a tolovele ku n’wi hleka, a ku, “Loko a wu ngari na muchumayeri yaloye wa nhloko yo patlalala loyi u nga na yena lahaya,” a ku vuriwa mina, a ku—a ku, “a wu ta languteka ku kotisa swin’wana swa sweswi. Kambe u languteka kukotisa swin’wana leswi swi humaka eka shopo ya leswi swa minkarhi ya khale.” Nakona, oho, ntsena u n’wi harikile a n’wi yisa emakaleni, minkarhi hinkwayo a ta n’wi vona ari hi ndlela yaleyo. A ku, “Mufundhisi wa hina u na miehleketo leyi yi nga anama.” A ku, “Wa—wa—wa vativa. Leswaku, hikokwalaho u endlisa xisweswo? Sweswo a swi kali swivula nchumu, hilaha u ambarisaka xiswona kumbe ku ehleketa.” Ka swi endla! Bibe lexi ya Xikwembu yi ri ka swi endla. Hi ta hanya hi Rito rin’wana na rin’wana!

225 Swingaleswi xinwenyetana lexi a xi kalanga xi n'wi yingisela, xi yile emahlweni. Xi mixinari sweswi.

226 Swingaleswi nhwana loyi—loyi lontsongo u tekile vuvabyi byo toloveleka, nakona u file. Munghana wa mina u mpopele mafurha ya n'wi tota loko ari ekufeni. U ndzi byerile, aku... Endzhaku kaloko a file, a tshamela ro twa ku nuhwa ka mafurha. Ari na goji ri nga dyeka etlhelo ra yena, vuvabyi byo toloveleka. A va kalanga... Hambu kuri vatswari va yena a va switivanga leswaku i yini leswi swi nga hoxeka hi yena. Nakona u file. Kambe loko a nge si fa...

227 U dyondzisi xikolo xa Sonto. Nakona xintlawani xa yena hinkwaxo xa xikolo xa Sonto xi ngenile, a va lava ku n'wi vona loko a ya eTilweni, Tintsumi ti tile ti ta n'wi rhwala. Nakona mufundhisi wa yena ehandle, ari karhi a zaha sigarete, ari karhi a ya hala na hala a holweni ya le xibedlhele. Nakona hinkwavo a vava eku yimbeleleni loko a ha ya ekufeni, ma swi tiva. A va switiva leswaku u ya ekufeni. Madokodela ya teri ule ku feni, swingaleswi hinkwavo va ya ekuvoneni ka Tintsumi loko ti ta, ti ta n'wi rhwala.

228 Kutani xikan'we—kan'we, loko a langutana na leswi humelelaka! Sweswi, a ri xirho xo tshembheka xa kereke, ari mudyondzisi wa xikolo xa Sonto, nikuva xirho xa kereke xo tshembheka xa kereke ya kahle ya dinominexini. Kambe loko a ta sungula ku tikarhata, rifu ri n'wi bile; mahlo ya yena ya kukumuka, kutani a ku, "Ndzi lahlekile!" U teri, "Ndzi lahlekile! Famba, u ya teka mufundhisi!"

229 U cukumetile sigarete ya yena, kutani a ngena, a ku, "Lahawani, lahawani! Lahawani, lahawani! Hi ta kuma dokodela loyi a nga ta ku nyika hayipo."

230 A ku, "A ndzi lavi hayipo." A ku, "Wena muxisi wa vanhu! Ndza fa, nakona ndzi ya etiheleni. Nakona ndzi lahlekile hikuva u hlulekile ku ta ndzi byela Ntiyiso. Famba u ya kuma xinwenyetana xa Goodhue, kutani u xitisa lahawani eka mina, hi ku hatlisa. U na ntiyiso."

231 Rindzela ku kondza u kongomana ni leswi swi hanyaka. U nga ringeti ku yimisa ku yima ko kwetsima kwaloko. U nga Ri buluseli ekule na swin'wana swa ximanguva lawa, swa dyondzo, xibalesa xa tibarele timbirhi ya "shotgun." Mi yingisela xitshinyo xexo xa Moya lowo Kwetsima, vusiku lebyi, lexi xi ku tshinyaka, "Hi Mina Ndelela, Ntiyiso, na Vutomi; a kuna munhu loyi a nga tata eka Tatana, loko ku ngari ha Mina." Nakona hi Yena Rito.

A hi korhamiseni tinhloko ta hina xinkadyana.

232 Ndza ha lava ku tshaha Rito rin'wana ra Hosi Yesu, loko ma ha ehleketa hi swona. Yesu u teri, eka Matewu 5, "Ku katekile lava va nga na ndlala na torha." Nakambe i ku kateka

kuva na torha lero eka n'wina. Mikale mi fika exindhawanini lexi mafambiselo ya n'wina—n'wina—n'wina hinkwawo ya nga pfindluka hi vudinominexini, na mikhuva nyana na swivongo, na swin'wana, swileriso nyana swa kereke, ku tiphina, ku fana na ku joyina tilonji, na kuya emahlweni, kusuka ekerekeni kuya eka yin'wana kereke? Xana Javulosi u swikotile ku ngehenisa mati ya lawa ya nga pfindluka, nakona mi le ku rheteni eka wona leswaku mi huma, kukotisa honci loko yi ri eka xitsengele? Loko, nakona mi nga switivi hambi kuri ku switiva ku tima torha ra ntiyiso ra Xikwembu; leswaku mi Xi vona, hi ntiyiso, hi Moya lowo Kwetsima wu hanyaka eka n'wina, niku tивonakarisa. Loko mi—loko mi ri hi ndlela ya leyo vusiku lebyi, loko ma ha ri na torha ra Xikwembu, mi nge ndzi mi byela:

Kuna Xihlovo lexi nga tatiwa hi Ngati,
Leyi humesiweke eminsiheni ya Emanuel,
Laha vadyohi va nyupelaka eka ndhambhi,
Va susa swinaka hinkwaswo swa milandzu ya
vona.

Khamba lero ri fika ri tsaka ku vona
Xihlovo xexo namuntlha;
Leswaku mina, wo biha ku kotisa yena,
A hlantswa vudyoho bya mina byi suka.

Kusukela kwalaho ndzi vona xinambyana hi
ripfumelo
Ku phakela ka timbanga ta Wena,
Rirhandzu leri ri kutsulaka akuri
xikongomelo xa mina,
Nakona xi tava tano ku kondza ndzi fa.

²³³ Loko u ri na rona torha lero vusiku lebyi, ku tiva swotala ha Xikwembu, niku ta ekusuhi na Xona, ntsena u nga ha yimisa voko ra wena loko nhloko yin'wana na yin'wana ya ha korhamile, mi ku, “Ndzi khongelelel.” Wena Xikwembu, langutani mavoko!

²³⁴ Ehandle etikweni laha ku nga na vuhaxi sweswi, kusuka eVuxeni, N'walungu, Vupela-dyambu, na le Dzongeni, n'wina mi nga etikamareni, yimisani mavoko ya n'wina eka vafundhisi kumbe loyi a nga vaka ari kona, loyi mi n'wi tsakelaka; wena, swin'wana leswi swi nga eka wena, swi nga na torha ra Xikwembu. Torha lero ro kwetsima!

²³⁵ U nga ti enetisi. Oho, mi ri, “Makwerhu Branham, ndzi—ndzi tshame ndzi huwelela. Ndzi cinile ndziri eMoyeni.” U nga, u nga, u nga switeki sweswo. Ee.

²³⁶ Rindzela ku kondza ku fika ku enetiseka kwaloko, Xindhawani lexi xi enetisaka xa ku hetiseka ka Moya lowo Kwetsima xi nghena, kutani tibeletsi ta ku huwelela ka ntsako, na ku vulavula hi tindzimi, na ku cina eMoyeni, ku

tata. A wu nge kali u swi endla hi ku chaya ka vunanga. U ta swi endla loko u rhelela hi patu, emovheni wa wena. U ta swi endla loko u ri eku kukuleni. U ta swi endla loko u ri karhi u belela swipikiri ekhumbhini, na ntirho wa wena wa vuvatli. Laha u nga tava uri kona, Ntsako walowo wu nga hlamuselekiki na ku tala hi ku kwetsima!

Sweswi a hi khongeleni.

²³⁷ Tatana wa le Matilweni la rhandzekaka! Ri lehile, ri anama, ri humesiwa, Hungu leri lerintsongo vusiku lebyi, kambe, Xikwembu lexi Rhandzekaka, i ngaku Moya lowo Kwetsima wa Wena wu nga ha nyika leswi—leswi wu swivulaka eka mbilu yin'wana na yin'wana. Kona kwala ekerekeni ya leyi, vusiku lebyi, kuna mavoko manyingi ntsena lawa ya nga yimisiwa, hinkwako eholweni ni hinkwako. Ha—ha va khongelela, Xikwembu lexi xi rhandzekaka, vona. Oho, leswaku Xindhawana xexo xienetisaka xa Xikwembu, lexi xi nga Kreste, ku Tshembhela eka ku Kwetsima, ku Tshembhela eka Vutomi lebyi nga endzeni ka wena, leswaku Ku nga ha ta eka un'wana na un'wana wa vona.

²³⁸ Ku rhendzeleka hi tiko hinkwaro, kusuka a California, kuya fika eNew York sweswi, laha ku nga mixo swinene sweswi, va yingiserile kwalahaya; na—na le New Hampshire, ku rhelela ehansi eBoston, kutani kuya fika ehansi eTexas, nale Indiana, ku nghena eCalifornia, ni hinkwako. Wena Xikwembu, languta eka mavoko lawa; languta leswi swi nga endzeni ka vona, Hosi, mbilu leyi yi nga lahaya yi nga na ndlala na torha.

²³⁹ Siku leri ri nga encenyetiwa, laha Javulosi a nga pfala mahlo ya vanhu, ntsena leswaku va joyina kereke, kutani va ku, “Sweswo hi swona hinkwaswo leswi u swi lavaka.” Nakona va ha tilanguta vona hi voxo va vona hi ndlela leyi va endlisaka xiswona, niku navela ku fana na misava.

²⁴⁰ Loko, Bible ye hi Byela leswaku, “Loko hi rhandza swilo swa misava, rirhandzu ra Xikwembu ari kona eka hina.”

²⁴¹ Ntsena ehleketa, Tatana, hi laha a nga encenyeta ha kona leswaku a nga ha endla Rito lero ra ntiyiso, hilaha va nga ta ku, “Oho, ha pfumela eka Bible, kambe hayi *Leswi*. *Leswi* a hi swi pfumeli. Hi pfumela leswaku *Leswi* a swiri swa nguva yin'wana. Hi pfumela leswaku *leswi* hi Sweswo,” hikuva, dinomexini yin'wana yi hundzuluxe miehleketo ya vona yi ya eka xidan'wana xa mati ya thyaka yo yima.

²⁴² Loko, Yesu a te, “Loyi a nga ta hunguta Rito rin'we eka *Leri*, kumbe ku engetela rito rin'we eka Rona, xiphemu xa yena xi ta susiwa eBukwini ya Vutomi.”

²⁴³ Xikwembu lexi rhandzekaka! Ehleketa hi ku nyumisiwa lahaya eka Kuavanyisa, loko vanhu va hanye kahle, hi ku

tenga, vutomi lebyi kwetsimaka, va ya ekerekeni hi ku tshembheka tani hilaha va nga kota hakona, va tlhela va lahleka.

²⁴⁴ Ehleketa hi Vafarisi lava, njhani, kusuka loko va ri vafana lavantsongo, va leteriwiwe eRitweni, va kula hi swikolo na swin'wana, va kwetsima (va fanele kuva tano, kumbe va khandliwa hi maribye va fa), kutani Yesu a ku, "Mi huma eka tatana wa n'wina a nga Javulosi."

²⁴⁵ Hilaha Israel ri nga rhelela hakona lahaya! Kutani pfumelela leswi leswaku swi va xitshinyo eka Mapentekostal, Hosi, ku rhendzeleka hi tiko. Hilaha Muxe yaloye, wa muprofeta, a nga ta eEgipta, ku ta hetisisa Rito ra Xikwembu, ku va tisela rivoni ra na madyambu! Hilaha va nga ya vona hakona mahlori ya Xikwembu! Hilaha va nga n'wi landzela hakona, va tsemekanya Lwandle ro Tshwuka, va khuvuleriwela eka yena, va ya emananga nakona va dya swakudya swa Tintsumi leswi a swi wa kusuka eTilweni. Nakona va ala ku teka Rito hinkwaro, loko va vuya kusuka eKadesh-barnea...kuya eKadesh-barnea, kusuka e—kusuka etikweni ra xitshembhiso, kutani va ku, "vakotisa swihontlovila; hi ngaka hi nga swikoti." Loko, Xikwembu xi teri, "Khale Ndzi mi nyike tiko"! Ndzelekano! Yesu u teri, "Va tano, un'wana na un'wana wa vona, va lovile. Va file," va lahlekile, va ngari na Xikwembu, hambu leswi va nga endla swilo leswi hinkwaswo. Va ma vonile masingita lawa; va tiphinile, va cina-cinile eribuweni ra lwandle, va ri na Miriam, loko va ta chaya tambourine. Nakona i vanharhu ntsena, eka mamiliyoni mambirhi, va nga nghena.

²⁴⁶ Ha swi lemuka, Tatana, leswaku loko vununa, mbewu kusuka eka xinuna na xisati, yi hlangana kun'we, kova na yin'we ntsena, eka miliyoni, leyi yi amukeriwaka. Mbewu yin'we kusuka eka xinuna yi kuma tandza leri ri nga nona ra wansati, ra xisati, kutani letin'wana ta miliyoni ti lova.

²⁴⁷ Ku na miliyoni, mamiliyoni mambirhi, lawa ya humaka eEgipta; vambirhi, Yoxuwa na Kaleb, va ngenile etikweni. Un'we eka miliyoni. Tatana, ndza—ndza rhurhumela loko ndzi ehleketa hi sweswo. Ehleketa, ku rhendzeleka hi misava namuntlha, Vakreste va ntlhanu wa madzana wa mamiliyoni, va lava va tava ntlhanu wa madzana loko hi leswaku U nga ta vusiku lebyi. Wena Xikwembu, hi endli hi tsundzuka Rito rin'wana na rin'wana ra Xikwembu leswaku ra yima, ri ri xitsundzuxo. Hi boheka ku Ri pfumela. Hi boheka ku Ri amukela.

²⁴⁸ Kutani loko U ku, "Hundzukani, un'wana na un'wana wa n'wina, kutani mi khuvuriwa hi Vito ra Yesu Krete leswaku mi ta rivaleriwa swidyoho, nakona mi ta amukela nyiko yi nga Moya lowo Kwetsima. Hikuva xitshembhiso xi le ka n'wina, na

le ka vana va n'wina, na vona lava va nga ekule na swona, hambi lavotala lava Hosi Xikwembu xa hina xi nga tava vitana." Kutani, Xikwembu, Wa ha vitana na sweswi, vusiku lebyi, nakona xitshembhiso xi kona ntsena loko Wena wa ha vitana.

²⁴⁹ Kutani vafundhisi va hundzuluxile miehleketo ya vanhu lava, kutani va yi kongomisa hi xidyondzo, xikolo xa xidinominexini ya ntivo-vukhongeri, kuya eka nchumu lowu wu nge, "Oho, ntsena wo pfumela." Javulosi wa pfumela na yena, kambe a nge amukeli Moya lowo Kwetsima. Yudas Iskariot ari...u endlile hi—hi hinkwaswo, na vadyondzisiwa va swi endlile, va chumayela Evhangeli; kambe loko ku fika nkarhi wa yena wa ku kuma Moya lowo Kwetsima, u kombisile mihlovo ya yena.

²⁵⁰ Xikwembu, leswaku vanhu va tiko vusiku lebyi va nga ha swi tekela enhlokweni sweswo, loko va ngari na wona ntokoto walowo, va lahlekile. I ngaku swi ngava tano vusiku lebyi leswaku mimoya ya vona yi nga enetiseka hi Xindhawani xa Wena, Hosi, tani hilaha hi va tisaka evokweni ra Wena. I va Wena, Hosi. Ntsena hi na vutihlamuleri hi Rito. Ndza khongela leswaku va ta pfumela hi timbilu ta vona hinkwato, na ku tatiwa hi Moya lowo Kwetsima. Ha swikombela hi Vito ra Yesu. Amen.

Ndza N'wi rhandza, ndza N'wi rhandza
Hikuva U sungurile a ndzi rhandza
A xava ku ponisiwa ka mina
Ensinyeni wa Xihambano.

²⁵¹ Oho, xana a hi Yena Xindhawani lexi xi enetisaka xana? [Nhlengeletano yi ku, "Amen."—Muhleri.] Oho, mina! Ma Xi rhandza hi timbilu ta n'wina hinkwato xana? ["Amen."] Sweswi, Marito ya kona hi lawa ya nga tsemeleleka, kambe ntsena a hi yimbeleleni eMoyeni sweswi, wa vona, un'wana na un'wana wa hina sweswi. A hi tlhavulanani mavoko na buti loyi a nga tshama ekusuhi na wena, sesi, nakona ntsena i ku, "Xikwembu a xi kukatekisi, muendzeri," tani hiloko hi ri yimbelela nakambe. [Makwerhu Branham a tlhavulana mavoko na vanhu.]

Ndza N'wi rhandza, ndza N'wi rhandza
Hikuva U sungurile a ndzi rhandza
A xava ku ponisiwa ka mina
Ensinyeni wa Xihambano.

²⁵² Sweswi hi tlhavulanani mavoko na un'wana na un'wana. Sweswi ntsena a hi tsipeni mahlo ya hina hi ri yimbelela hi ri eMoyeni, hi N'wi yimisela mavoko.

Ndza N'wi rhandza, ndza N'wi rhandza,
Hikuva U sungurile a ndzi rhandza
A xava ku ponisiwa ka mina
Ensinyeni wa Xihambano.

Oho, A nga kahle xana?

Lowa kahle, lowa kahle, Yesu i wa mina,
Muchaveleri, Hosi ya Kurhula, Xikwembu xa
Matimba hi Yena;

Oho, wa ndzi ponisa, u ndzi fambisela ekule
ni vudyoho hinkwabyo na tingana,
Lowa kahle i Mukutsuri wa mina, a ku
dzunisiwi Vito ra Yena!

Oho, lowa kahle, lowa kahle, Yesu i wa mina,
Muchaveleri, Hosi ya Kurhula, Xikwembu xa
Matimba hi Yena;

Wa ndzi ponisa, u ndzi fambisela ekule na
vudyoho hinkwabyo na tingana,
Lowa kahle i Mukutsuri wa mina, a ku
dzunisiwi Vito ra Yena!

²⁵³ Oho, wa hisekela hi ntokoto wa wena na Krete xana?
[Nhlengeletano yi tsaka, “Amen.”—Muhleri.] A nga kahle
xana? Xana A nga enetisi xana?

A ndzi lahlekile, sweswi ndzi kumiwile, ndzi
tshuxekile eka kuavanyisiwa,
Yesu u nyika ntshuxeko na ku ponisiwa loku
ku heleleke;

Wa ndzi ponisa, u ndzi fambisela ekule na
vudyoho hinkwabyo na tingana,
Lowa kahle i Mukutsuri wa mina, a ku
dzunisiwi Vito ra Yena.

Oho, lowa kahle, lowa kahle, Yesu i wa mina,
Muchaveleri, Hosi ya Kurhula, Xikwembu xa
Matimba hi Yena;

Oho, wa ndzi ponisa, u ndzi fambisela ekule
na vudyoho hinkwabyo na tingana,
Lowa kahle i Mukutsuri wa mina, a ku
dzunisiwi Vito ra Yena!

²⁵⁴ Ma ya pfumela Matsalwa ya lawa xana? [Nhlengeletano yi
ku, “Amen.”—Muhleri.] Bibe le yi teri, “Phokotelani mavoko.
Endlani huwa ya ntsako eka Hosi.” Ma swi tiva, minkarhi
hinkwayo ndzi lava ku tlanga vunanga. Nhwana wa mina,
Rebekah, u chaya piyano. Xijahetani xa mina a chaya trampete.
Kambe ndzi—ndzi dyondze xichayi xa khume ra swinari.
[Makwerhu Branham a sungula ku phokoteka mavoko.]

Lowa kahle, lowa kahle, Yesu i wa mina,
Muchaveleri, Hosi ya Kurhula, Xikwembu xa
Matimba hi Yena;

Wa ndzi ponisa, u ndzi fambisa ekule na
vudyoho hinkwabyo na tingana,
Lowa kahle i Mukutsuri wa mina, a ku
dzunisiwi Vito ra Yena!

Ma N'wi rhandza xana? [Nhlengeletano yi ku, "Amen."—Muhleri.]

Hi ta famba eku Vonakaleni, ku Vonakala ka kahle,
 Loku ku humaka laha ku nga na mberha ya tintswalo niku hatima;
 Ku hi vangamela hinkwerhu ka hina na nhlikanhi na vusiku,
 Yesu, i ku Vonakala ka misava.
 Hi ta famba eku Vonakaleni, laha ku nga ku Vonakala kwaloko ka kahle,
 Loku ku humaka laha ku nga na mberha ya tintswalo na ku vangama;
 Ku hi vangamela hinkwerhu ka hina na nhlikanhi na vusiku,
 Yesu, i ku Vonakala ka misava.

²⁵⁵ [Makwerhu Branham a sungula ku hama, "Yesu, i ku Vonakala ka Misava," nakona nhlengeletano yi hama na yena—Muhleri.] Dzunisa Xikwembu ni hinkwaswo leswi u nga na swona.

Loko vakwetsimi va macha,
 Loko vakwetsimi va macha,
 Hosi, ndzi lava kuva eka nhlayo yaleyo
 Loko vakwetsimi va nghena va ri karhi va macha.
 Oho, loko va N'wi ambexa xidlodlo Hosi ya hinkwavo,
 Loko va N'wi ambexa xidlodlo Hosi ya hinkwavo,
 Hosi, ndzi lava kuva eka nhlayo yaleyo
 Loko va N'wi ambexa xidlodlo Hosi ya hinkwavo.
 Oho, loko dyambu ri ala ku vangama,
 Loko dyambu ri ala ku vangama,
 Hosi, ndzi lava kuva eka nhlayo yaleyo
 Loko dyambu ri ala ku vangama.

²⁵⁶ Ma swi rhandza sweswo xana? [Nhlengeletano yi ku, "Amen."—Muhleri.] Sweswi ndzi nga hlamala loko milenge ya n'wina yi hundzokile na yona, mi nga ha densi nakambe, lahaya mi swi endlela misava? Wa vona? A hi phumundheni minkondzo ya hina, hi swi endlela Hosi, eka Hosi. Wena, xana mavoko ya wena ya hundzokile xana, a wa ha yivi nakambe? Milomo ya wena yi hundzokile xana, a wa hari wa gubya nakambe? Ntsena u nga pfumeleli vukhongeri enhlokweni ya wena, byi pfumeleli hinkwako. Hiswona sweswo. Swi lava munhu hinkwawo. Hi swona sweswo. Sweswi a hi phumundheni minkondzo ya hina.

Loko vakwetsimi va nghena hi ku macha,
 Loko vakwetsimi va nghena hi ku macha,
 Hosi, ndzi lava kuva eka nhlayo yaleyo
 Loko vakwetsimi va nghena hi ku macha.

Oho, loko vakwetsimi va nghena hi ku
 macha,
 Loko vakwetsimi va nghena hi ku macha,
 Hosi, ndzi lava kuva eka nhlayo yaleyo
 Loko vakwetsimi va nghena hi ku macha.

Sweswi ntsena a hi yimiseni mavoko ya hina.

Loko vakwetsimi va nghena hi ku macha,
 Loko vakwetsimi va nghena hi ku macha,
 O Hosi, ndzi lava kuva eka nhlayo yaleyo
 Loko vakwetsimi va nghena hi ku macha.

Loko va N'wi ambexa harhi Hosi ya
 hinkwavo,
 Loko va N'wi ambexa harhi Hosi ya
 hinkwavo,
 Hosi, ndzi lava kuva eka nhlayo yaleyo
 Loko va N'wi ambexa harhi Hosi ya
 hinkwavo.

²⁵⁷ A mi N'wi rhandzi xana? [Nhlengeletano yi tsaka, "Amen!
 Wa kwetsima! Haleluya"—Muhleri.]

Kutani hi ta famba eku Vonakaleni (Hi Yena
 Kuvonakala, ma swi tiva), I Kuvonakala ka
 kahle,
 Loku ku humaka laha ku nga na mberha ya
 tintswalo na ku hatima;
 Kunene, ku hi vangamela hinkwerhu ka hina
 na nhlikanhi na vusiku,
 Yesu, i ku Vonakala ka misava.

²⁵⁸ Mapfumela leswaku hi Yena ku Vonakala ka misava?
 [Nhlengeletano yi ku, "Amen."—Muhleri.] Ma pfumela
 xana? Paul u teri, "Loko ndzi yimbelela, ndzi ta yimbelela
 ndzi ri eMoyeni. Loko ndzi gandzela, ndzi ta gandzela ndzi
 ri eMoyeni." Wa vona, hinkwaswo leswi mi swi endlaka, swi
 endleni hi Moya. Hi swona. Nakona Moya wu tisa Rito eka
 Vutomi. A hi swona xana? Hi swona. Ina, nkulukumba.

Hinkwerhu n'wina vakwetsimi va ku
 Vonakala vulani,
 Yesu, ku Vonakala ka misava;
 Tintswalo na ku tsetselela hi Vito ra Yena,
 Yesu, ku Vonakala ka . . .

Seni hi endla yini?

Hi ta famba eku Vonakaleni, ku Vonakala ko
 saseka,
 Loku ku humaka laha ku nga na mberha ya
 tintswalo na ku vangama;
 Ku hi vangamela hinkwerhu nhlikani ni
 vusiku,
 Yesu, i ku Vonakala ka misava.

²⁵⁹ Ndzi khomeleni ku mi kanganyisa n'wina vachayi, tani hi sweswo, ntsena ndzi lo kumeka ndzi rhwariwile. A ndzi tivi swin'wana swo antswa kutlula ku gandzela. Yaleyo hi yona ndlela leyi mi endlisaka xiswona. Ina, nkulukumba. Ndza khensa swinene hi nkateko lowu, Makwerhu Mack, ku ta ndzi tava na xinakulobye na n'wina na kereke ya n'wina leyi yi nga lahawani, na vanhu lava va kahle.

²⁶⁰ Kutani n'wina lava mi nga yimisa mavoko leswaku mi kuma nkhuvo wa Moya lowo Kwetsima, ndza tshembha leswaku mi ta hlangana na Mufundhisi Mack lahawani, kumbe un'wana wa vona, kutani ndzi tlhelela endzhaku endhawini lahawani. Nakona ntsena tsundzukani, loko Xikwembu xi vulavule Rito ekusunguleni, xi ku "lahaya akuve na leswi," swi fanela kuva kona! Nakona Xi ku, "Ku katekile lava va nga na ndlala na torha ra leswo lulama, hikuva va ta xurha." Wa vona, swi fanele ku humelela. Mi ta mi ta endzela mufundhisi wa n'wina lahawani, nakona mi n'wi seketela tani hiloko a ha chumayela Evhangeli.

²⁶¹ Sweswi a hi yimbeleleni nakambe risimu lero ra khale, ntsena ndza ri rhandza, "Hi ta famba eku Vonakaleni."

²⁶² Yesu u teri, "Hi Mina ku Vonakala," nakona mi le ka Yena. Wa vona? Mi nghena njhani eka Yena? Hi ku N'wi joyina xana? Ee. Hi ku tlhavulana? Ee. Hi nkhuvo wa mati? Ee. "Hi Moya wuri wun'we hinkwerhu hi khuvuleriwela eka Miri wuri wun'we, laha ku nga Miri wa Krete." Kutani eka Miri walowo kuna tinyiko ta nkaye ta ximoya leti ti tirhaka eka miri wa lokhali, kereke ya lokhali. Sweswo I vuapostola, loko ndzi tshame ndzi swi tiva. Hi swona.

Swingaleswi hi ta tshama eku Vonakaleni,
 eka ku Vonakala ko saseka,
 Loku ku humaka laha ku nga na mberha ya
 tintswalo na ku . . .

[Makwerhu Branham a vulavula na Mufundhisi Mack—Muhleri.] Hi swona! . . . ? . . .

Hi vangameli ni nhlikanhi na . . .

[Makwerhu Branham a vulavula na Mufundhisi Mack—Muhleri.] Akuri nkarhi wa kahle! [Makwerhu Mack a ku, "Ndza khensa, makwerhu. Ndza khensa."]



TORHA TSO65-0919
(Thirst)

Hungu leri hi Makwerhu William Marrior Branham, ri sungurile ri hangalasiwa hi Xinghezi hi Sonto ni madyambu, Ndzati 19, 1965, a Grantway Assembly Of God a Tucson, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpfumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Krete. Buku leyi a yi xavisiwi, yi humesiwa hi xikalo lexikulu, yi vakeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org